


屏山集

十之二十

坤



			一〇二五	漢書門
	一七	二五	函號	
二冊	〇四	二五	架冊	

三二	一〇	漢
二五	二五	書
二二	二五	類
架冊	架冊	

内閣文庫	
番號	漢10255
冊數	2 (2)
函號	315 123



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak




糊などで貼り付けられている部分がめくれない箇所あり


群芳集卷第十

賦

同樂軒賦

病翁製樂器閣中林聲琅琅然聽而樂之因作是賦
賦寫宛於曲堂房似除碑兮女雲漢藥軒兮展春
重高韻兮隱微文如落若小軒明春風過兮絳紋
繁如林兮有下無迫兮散下登觀其西東姚姚若





屏山集卷第十

賦

間藥杵賦

淺草文庫

病翁製藥齋閣中杵聲琅琅然聽而樂之因作是
 賦
 窈窕兮曲空房桐陰碎兮玄雲濃藥杵兮晨春
 重局靜兮隱壠冬廓落兮小軒明麥風過兮綠紋
 驚藥杵兮暮鳴半巖迥兮散丁登觀其票姚沈著
 日明熒欸霍舉雖一握之微勢有百鈞之落如唱兮
 復應將定兮旋躍乍降乍升時散時合幽深如寫
 其淒厲激烈若舒其蹇諤喧喧方震於廟祭聞聞

忽沈於寥廓厭市鍛之音陋鄙村春之韻濁矧羣
蛙之鬧池徒蝸蝸而郭郭斯蓋古今未賞而病翁
之所獨樂也翁方抱沈痾隱空谷坐胡牀據槁木
思物底於無厲殆口嘗於衆毒因神丹之揉練發
貢機於磨觸琅琅之中獨聞和焉自一而生盈萬
而復徒耳煩於里巷亦腕脫於僮僕衆啞其強聒
不休翁好之常若不足或曰聲以律和樂由心樂
魚教故桓箏融笛瑟琴阮嘯各寓興以怡神雖異
趣而同調彼鐵中錚錚耶又何足資夫玩好翁曰
木風鳴鳴如埴如竿誰為吸呼石流濺濺如絲如

弦誰為擊彈不約而合乃其自然聲雖流而常寂
聽若遇而非緣苟有當於余心又何必八音之變
而與夫九奏之繁哉且賞音於澹者與道默契有
見於獨者與衆必戾亦各從其志焉翁豈郵奴奴
之議

溽暑賦

病翁筋骨支離當暑彌劇雨于南齋之上拊檻
而歌曰使天霄珠不可以清煩裾使天霄玉不可
以消炎酷想墨蜩之躍淵快高羊之儻陸已而飛
羅斷野細電搖嶽簾綃蟄潤柱礎流溼心煩寬而

若糾思淫裔而增濁疑環居乎曲突乍窘跡乎重
橐客有問曰溽暑何氣哉翁曰陰陽之爭氣也席
威者窮而未沮鼎盛者出而見閉也陰出為始陽
來為復自一卦推之消長盈虛曾不離乎六也巽
賓之日陰一在內陽五在外而六者之運如星循
于次如輻旋于轂向之微者益夫大者日益蹙也
肇於豕蹢極於龍戰貫魚以柔順履虎而驕僭生血
弱則隨強則睽隨則睦而安睽則競而危兩雄不
並居終必為之變也方其爭也奇耦互生剛柔雜
襲朋騰海逝寒燄山立勢均力等屹若勅敵初如

泰晉交綏而近抑又似漢楚相持而堅壁彼融融
消以者鑠為大焦熙熙矍矍者煦為蒸濕也其氣
烟温滂上濛上底滯膠漫澳他典恐乃珍油浹濡
泪行汚滛音被金石而消而人襲草木而萎蕭天地
川骨其清明日月沫音其晶擘薄而為雷則隱麟
呵入碌喑噫音咽旋空欲震鬱而不滌激而為
風則颺古獲蓬勃燥冒翕忽揚汚發穢原
谷呀呷音虞而伏凡四五旬時猶未歇也客曰然
則氣之為沴音厲者邪翁曰不然夫惟爭也四時
之序平萬化之機行也子獨不聞烹飪之事乎實

水以金傳火以薪焯焯烜列兮滋熾洶湧瀉溢兮
驟駭馬既山鳴而澗吼亦霧翳而雲蒸靡堅革熟鼎
俎之味成焉故水火不爭為爨者怠麴蘖不爭為
醪者壞輔弼不爭為國者敗斯言雖小可以喻大
也客曰問一得三蒙昧曉然惟清論之惻沃斯煩
歎之可捐者邪

哀馬賦

叛軍繼踵入閩驅竊戰騎過山嶺悉多殞敗余感
之作哀馬賦

嗟哉何閩山之險絕乎方井陘而曠趙視劔閣而

蜀峻嶺標樹橫巒掛瀑蒼崑崙光密紆阻複勢
平而驟起塗稍順而仍曲穴壁寄棧沿崖轉躡
倚石以傳殮莽門蘿而假宿非戀上之邦人嗟
此來而何欲棲危走險禽疲獸伏墮峻木之升
窺層霄之飛鷓矧萬馬之南奔列長鑣而競逐
四達之通達忽然連而綫屬搶攘迫塞互相擠觸
前顛後升平坑翳瀆銜哀結憤而叢狙萃萎者十
幾五六焉幸而生者皆垂頭顧影低摧局促塵駭
麕驚鷓蹲蜎縮春伶俜而卦露尾焦蕭而帚禿鼻
咯乾埃肺傷甚毅望長坂以悲嘶想清波而浮浴

辭瘞瘡煩指牆據木集彼蚊蠅紛紜緣撲競而穢
而吞腥肆脣刀而鏃忽振體而驚飛去來遙而
旋復慰已貪憚忘余楚毒當附驥而乞憐知汝曹
之碌碌困甚墮履憂同轂棘駕鹽車則躡跡於黔
中之少售屠肆則比價於遼東之肉悲夫吾聞之
秦趙亘野燕齊迥陸數騎風馳萬夫鱗感檜影動
兮鋒已交鼓聲酣兮戰方孰莫不虎熊龍姿雲鬃
電自負甲士之千鈞望沙河而一蹴既却銳以摧
堅咸蹂都而踐國蓋時清則龜龍麟鳳呈祥表瑞
獻圖負錄俾之排難濟艱雖獲千角而網萬翎曹

不及夫一驥之足噫今日治耶亂耶胡弃茲而弗
畜彼蹠齧恃性駑駘共族渴飲天河之浪飢耗太
倉之粟徒鞞飾文繡轡搖金玉偶備數於六閑之
驕矜而動俗責致遠之奇功必輿傾而載覆事既
失而懲愆亦何勞於鞭扑悼汗血之云亡捐百軀
而安贖丹臨川而墜楫車向塗而裂軸激壯士之
興嗟誠可悲而可哭夫子曰傷人乎不問馬余何
眷眷於此哉恐國威之未振驕虜之南牧也

詩

涼月

涼月未出山浮雲半空白徘徊步軒窓宛若待佳
客經林漏飛輝映淑生華澤及茲秋景清吾廬更
幽寂殊觀發秘藏妙聽生寥閭營營息初機炯炯
懷新得豈無平生心所樂已非昔天旋河漢動夜
久鄰機息淒淒感庭蘭歲莫霜霰集呼兒溫濁醪
獨酌醉永夕

渡淮

鳴輦渡長淮霏烟散清晨皎皎初日光照耀草木
新橫林渡餘碧疊嶂開嶙峋移橈失向背烟波浩
無垠兒童相擢歌余心亦欣欣輕帆互相踰魚鷺

映流津徘徊望洲渚悠然獨懷人樵漁有棲遯寂
寞誰問鄰暮風翻洪濤魚蝦亦有神四顧天地黑
孤舟恐漂淪

山陰作

地勢東南盡清江吳越分脩塗雜川陸游役念良
勤相從二三子心期同所欣逢幽不暫憇何由解
塵紛抗跡蹈竒石揚情矚流雲崇林擁密翠細草
潛幽薰蘭亭訪舊遊昔嘗覽遺文有生憐共盡興
懷豈惟君逍遙千載上逸興故不羣風流詠觴樂
寂寂今無聞

醉歌贈金元白

南游會稽今十年重來風物皆依然一時冠蓋零
落盡故人獨老空江邊西陵倉曹實冗散出無車
馬衆所憐江亭曳履偶識面凜凜瘦骨餘雙顴談
兵自是一敵國屢薦不用寧非天胷中跽伏萬貌
虎靜若女子容娟娟我家光祿新出塞群彥入幕
君宜先自言衰髮已種種豈復有意仍騰騫強飯
麋頗思故國據鞍馬援忘華顛只今左臂雖小病
尚想攬轡能周旋興來且酌杯中酒邊庭消息君
知否經天太一位臨坎干戈喪亂已經久南閩兵

改上將戮太原城破群胡守嗚呼國步危若此每
惜壯士時難偶粹嗟未是真英雄綸巾羽扇聊從
容何當雙鑣渡河去一洗塞北烟塵空

獨坐

獨坐高堂上游觀思無極重門雖晝闔遠岫如不
隔長林葉布陰淺澗流波激欣欣物態榮淑氣生
原隰幽禽感時鳴逸樹飛還集常恐逐驚飈無階
戀儔匹興懷念良遊歲月更相及佳人獨棄余何
以慰岑寂褰裳迷所向望遠時佇立心知徒百憂
沈思不能釋

次韻盧贊元再喜雪

史君新詩來不絕燦燦珠星聯璧月黃堂旌旆曉
排衙喜見賓僚重賀雪寒儒茅屋補更穿雪餘仍
值江風顛擬招鄰叟共一醉斗酒十千愁費錢南
枝又見新梅萼試熨春衫冷難著飄零節物易驚
心常恐星星侵鬢脚東閣何當呼侍兒蟹螯不妨
左手持參陪後乘盡珠履誰賦劉義永柱詩

霖雨

霖雨遂兼旬瘴霧盈川谷霏陰入戶浮潤氣滋帷
褥溼濛飛濤遠散漫何時足驟響決流渠驚洪

千陸翔禽困滯翼穴獸思馮木衡茅日萎壞環堵
無完築曩忽晚色霽草樹晞華沫長雷夜復興濯
濯鳴高屋撫枕不能寐沈憂萃心曲

阻風

晚歲多悲風江湖浪崢嶸扁舟渺無依日暮猶孤
征重崗擁滯霧迫隰飄浮雲擊舟古岸邊纜斷舟
復橫天寒鴻雁稀滯留知旅情頽崖震林谷客子
心夜驚披衣待清曉缺月西南明遠遊多所懷益
遣歸思盈

聞筆作

月高夜鳴箏聲從綺牕來隨風更迢遞紫雲暫徘徊
細餘音若可玩繁弦互相催不見理箏人遙知心
所懷寧悲舊寵弃豈念新期乖含情鬱不發寄此
宣餘哀一彈飛霜零再撫流光頽再悵聽者稀銀
甲生浮埃幽幽孤鳳吟衆鳥聲難語盛時吃不偶
况乃容華衰道同符片諾志異筭一得無西墻東
客亦抱凌雲才

建康六感

吳

龍翔大耳兕虎視挺刀人風雲競追逐逸軌誰能

導大皇負英材沈潛欵求伸一呼定南國再戰威
強鄰抗魏既搖岳攘劉亦披鱗組練繞平隰艤
蔽通津偉哉人物盛成功豈無因代祀已飄忽風
流久彌新亭眺迥陸裂蔓登層闈卧龍昔來遊
萬古懷清塵

晉

日昃無全照南遷事倉忙龍謠方協瑞星禍已告
亡凌遲百年運凜凜危莫將向來問鼎人項北常
相望環宮白羽列面闕鳴弦張膺圖未躋泰卜世
豈在長獨憐短轅公推刃殺忠良百身嗟莫贖一

勤鬢成蒼時移事亦更為宋復為梁惟有采石潮
年年到前崗

宋

寄奴真偉人落拓龍潛地據筵呼五木已有吞世
氣世期值陽九天網日淪替偏邦或跨州卑號猶
稱帝匪乘艱棘運英姿疇能濟南戡奠番禺西狩
澄涇渭功雖與世隆道亦因人廢緬懷揖讓風黃
屋身如寄顏波日奔迫夜整遷神器巢田獨賢哉
高縱邈難繼

齊

堯宮不翦茨禹室無崇壤巍巍天步隆萬代猶可
仰荒哉二三君經營務華敞落柿滿清江飛斤殷
遙響疏淵引瀾澳築圃遷林莽筋力斃民軀貨財
傾國帑雄心獨未倦矯首生遐想時徂陵谷變無
事猶悲曩發憂易興懷逸樂難終享過客問青樓
荒畦棘一作花長

梁

開圖屬英睿失國由昏悞斯人異前脩撥亂旋致
亂輕刑下益肆厚爵臣彌叛聰明馳萬機精苦徒
宵旰鳳冕敬方袍鸞旗游彼岸悠然棄從懷臨機

復難斷那知千佛力不紓一寇難酒色復商周神
仙蕩秦漢趨亡固多軌荒迷卒同貫微聖常鮮終
撫冊三慨嘆

陳

悲風嘯荒垣歌斷庭花曲壁月夜沈輝瓊樹春銷
馥郊圻遊縱盛想像猶經日麗景明新妝清波映
鮮服承恩屬令姿被選比日華族朝從結綺遊暮向
臨春宿意高時忽謝步遠塗方促榮華事不長哀
樂情難延悠悠六朝事轉晴風驚燭永懷興亡端
斯文慚麗縛

夜飲

夜宵樂未央促席團欒坐佳人意慙慙唱歌屬余
幽期貴闊畧醉語多叢脞沈沈玉卮酒量淺難
石荷豈不懷極懼恐重賓友過褰帷望明河山月
銜半破回軒互追奔傘拂簷瓦墮

遊朱勔家園

晨暉麗丹楹翼翼侔帝居向來堂上人零落烟海
隅聯翩際時會振跡皆刑餘閨帷尚帝主阜隸乘
軒車流威被東南生殺在指呼樓船載花石里巷
無袴襦至今江左地風雲亦嗟吁叨榮已過量受

禍如償逋荒涼門路尚想冠蓋趨客舸維岸柳
鄰人曾池魚徠極幽觀曲折迷歸途夜月高綺
戶春風散羅裾繁華能幾時喪亂實感予曹鄴予
何譏此曹真人奴

孤翼吟

哀哀孤飛禽聲鳴何悲酸含情若有訴口訥無由
宣瞻雲憶舊侶悠悠隔山川勿言異類微聚散同
悲懽零霜解疊翼錯綵銷文翰殞身未足辭失意
誠可憐群飛盡投林凌空獨翩翩豈無棲巢枝託
跡常不安啄食朝競場流飲暮爭源鳴弦應漢發

命當其先長翻易奮飛窮途少周旋風雲肯借
便一舉誰能攀

早行

村雞已報晨曉月漸無色行人馬上去殘燈照空
驛

寄懶菴

山暝雨連夕今晨天氣清遙懷懶菴人高卧掩柴
荆幽寂性所嗜蕭然寄平生惟應田叟來對牀話
躬耕

老農

山前有老農給我薪水後得錢徑沽酒醉卧山日
夕忘形與之語妙理時見益志士多隱淪欲
未識

次四六叔韻

吾家小步兵辭林獨輝映携詩過山堂句挾風雲
潤思嵇遠命駕訪戴屢乘興訂古釋群疑談玄發
清聽年均愧質滯稟異驚才峻賴茲時發揮藥石
攻余病提攜蘭畹曲笑語柴門靜歸軒鷺急響行
炬飄遺燼平生共飄流晚歲同棲遁語言聊寫懷
綴酌斯詠

題懶菴

二首

漫亭隱淪翁作菴更名懶紛紜萬念繁要以一理
遣我衰百無長此興復不淺他時儻卜鄰心賞符
二阮

池偏賓至稀晝靜門常掩深房紙瓦明宴坐蒲團
穩庭花落未掃徑草繁不剪林泉倦出遊况乃市
朝遠

種菜

傍舍植柔蔬攜鋤理荒穢桔槔勤俯仰一雨功百
倍朝來綠映土新葉搖肺肺牛羊勿踐畦肉食屠

爾輩

晨興

晨興訪蕭寺爽氣清如沐坐看雨離山飛陰斷平
陸歸途阻夕漲竚立驚幽獨曳杖聽殘鐘卻寄僧
坊宿

袖刺

袖刺謁諸鄰徘徊寄心賞潭潭廣廈深咳唾生餘
響茲邦懷地實比屋誇雄敞如何蓬廬士貧賤安
所養

同翁士持李似表謁巽伯少卿因作醉歌

翁劉異氏居同里奕葉論交今久矣隴西京兆實
姻連我既識翁因識李巽卿自洛始遷閩寄食僧
房仍密邇盍簪雅好有新舊傾蓋高情無彼此酣
歌擲劍悲群公胡為局促荒山中曲肱放浪雖所
樂樂此亦知吾道窮自聞胡馬再南牧九州何地
無兵戎世哀成敗不以正姦寃得意為英雄儒生
守經昧時變憤切氣欲摩蒼穹斯言撥弃勿復理
把酒論詩差可喜圍爐夜語忘刻漏吹燈曉色盈
窓几歸塗草棘繁風袍主人謝客僕御勞雲山悵
望一回首虎豹出穴哀猿號

下灘作

青山鎖連環白間走鳴瀨迷津毫髮間舟與危石
會回淵聚浮沫斷壁餘澎湃玩竒心若鷲覽景目
不逮悠然一回首孤驛已茫昧停橈念經塵履地
猶旋憤悲風嘯枯林暮野雲相蓋隔船聞和歌沽
酒慰疲怠

偶步

鬱鬱思淫滯振衣聊萍游雲晴霄宇麗綠暗川原
幽竹步時引顧心期歎無傳路逢荷犂翁咲我獨
何求趨塵頽叩之棄去不少留心知所言非虛語

自慚羞歸來面空燭默坐窮其由達人隆廣度
士遵偏謀臨歧每易惑怨已識未周行藏命也夫
吾非斯人流

屏山集卷十終

倚倚映門樹團團若雙蓋微風薄留鬢髮鬢鬪清
籟迢迢步其下秀色吾所愛秋來霜葉紅飄落不
相待

懷致中

寤覺殘夜永山寒氣逾清林幽萬籟息月出虛堂
明披衣坐復起懷人思空盈經時不對面素榻浮
埃生遙知念盍簪臨風亦閉情寒帟望歧路慨然
欲宵征無人導我先何因識門庭仰憑鴻鴈飛書
詞寫深誠詞多意莫宜盍遣幽恨并

棄竹夫人

愛憎情易遷感物思鬱紆念昔未棄捐當時君子
居煩襟一披豁雅抱何清虛蹉跎怨時暮涼德竟
見踈飛霜皓中庭杌然委牆隅的皪珠帟深焚煌
錦茵鋪豈不懷舊恩君心已非初當年紈扇謹抱
恨同區區

江山突星石士特欲易為獨醒有詩因次其

韻

群石翠參錯茲峰峙雲林突星名固夸流傳經古
今幽姿儼向背異態生晴陰怒若抽翠筍端如立
瑤簪自有融結竒寧知化工深翁郎立壑人籃輿

越秋岑崎嶇喪亂間逢幽亦登臨把酒視雲漢浩
歌散愁襟著鞭雖後余歸蹤畧相尋獨醒訂訛謬
懷人識君心政恐五字詩光芒射奎參玩味不可
忘寫之朱絲琴

秋懷

哲人嘆逝川志士悲廩秋流光不暫停忽忽歲欲
周涼颼襲迥野飛霜皓盈疇華林失鮮輝奔谿殺
湍流萬化儻日徂吾生難獨留而我苦不樂彷徨
復何求世途多軌轍今行非昔謀徒遵耿耿意齟
齬固莫投時乎不再來豈余敢懷尤王道炳日星

塵勝疲軻立歸歟既改旆浩然亦回輶寂寞甯子
歌棲遲長鄉遊客嘲徒自解天問終不酬長揖未
免息說難竟遭囚行藏或大謬聖賢共悠悠含思
疚憤積念往川途脩煌煌青春姿蹉跎恐茲由諒
非宏達觀那能齊百憂

四不忍

草邊飛騎如煙滅泣獸摧斑食其血此時疾首念
鑿輿玉體能勝飢渴無危城屑麴驚雲覆簞簋無
光天座香奮戈儻未雪深讎我食雖甘何忍飽
黃河鑿鑿永成路人語寒空氣成霧此時泣血念

鑿與玉體能勝凜冽無蒼黃天步蒙塵去畫衣飄
零傷歲暮飛書倘未伐姦謀我服雖華何忍御
平沙月轉旌旗影擐甲為衾戈作枕此時飲恨念
鑿與玉體能勝暴露無問安使者空相繼清蹕不
回宮殿閉請纓儻未縛酋渠我榻雖安何忍寐
漁陽壘鼓風沙戰潑水淋漓舞胡旋此時太息念
鑿與玉體能勝寂寞無六宮遭亂多奔迸不復梨
園歌舞盛著鞭儻未蹂龍庭我瑟雖調何忍聽

雲際贈施子

驚沙慘淡連雲起曳杖悲歌行復止春城是處聞

鼓鼙好風依舊開桃李對花惆悵忽逢君把酒無
懼如啜水六年喪亂兩相見世路艱難嗟若此江
邊盜賊真遊魂挾虜聲援圖并吞金陵失守數
入會稽移蹕千官奔只今州縣多阻絕消息時聽
行路說百川背海欲四流入柱楮天愁更折符堅
陳亂丘山摧夜聞鶴唳猶驚猜莫輕赤壁一炬火
曹瞞氣焰隨飛灰功名邂逅有快意豈在今日無
人哉天方稔禍祕豪傑故遣君輩多沈埋亦知興
衰運有極天時一半因人力男兒遇事不作難看
君赤手排荆棘

望京詩

雙鑿北狩淹歸轂寂寞梁園春草綠猶傳故老守
孤城官軍不到黃河曲連雲樓櫓已灰燼更倚窓
扉防箭鏃招兵大半出群盜繡襖蒙木屢翻覆前
宗後社力誅鉏白刃如霜挂人內州橋燈火夜無
光夾道狐狸晝相逐往時汴泗絕行舟市糶十千
鹿滿斛衣冠避胡多在南胡馬卻食江南粟謀臣
武士力俱因海角飄搖轉黃屋盤庚五遷方擇利
昆陽一戰何當卜寧聞犬豕亂中華漢祚承天終
必復夕烽明處望千門孤臣祇欲吞聲哭

詩寄嬾翁蕪簡士特温其原仲致仲昆季

嬾翁疎散無與傳結庵名嬾山之幽蕭然杖履嚴
整裏似是當年嵇阮流云何出處庚初志束書負
劔俄西游悲猿攀車鶴卧轍去意勇決誰能留蒼
岳鐵鎖人跡斷破窓鳴紙風颭曳裾我昔翁門
客豈知繼踵居翁室里間應記往還頻猿鶴乍驚
賓主易介來庭戶已更創尚榜翁名志陳迹傍蒼
小樹昔親栽鑿沼今遷在蒼北我山亭闕舊牆東
此景新成翁未識遙知捧檄導歸途摘山官况今
何如書來頗厭作吏冗俸祿僅可供妻孥趨庭日

一見官長腳靴手板常睚盱簿書有程那得嬾卻
視故隱真蘧廬寄聲頻慰吾人望往時交友皆無
恙魏峯諸劉更互來清湖居士時相訪中郎司戶
又繼歸酒社文盟氣增壯我慚淺拙難強陪每憶
翁才真輩行拂衣早赴竹林期莫遣移文重前謗

遊龍潭

四老同笑言一僧陪杖履徜徉山水窟適意忘晨
暎東鐘巖北寺細竹溪南路中流石參錯不礙潺
湲正泓澄小龍潭潤氣金碧聚時驚木葉墜俯見
潭底更斯遊非預期偶余造佳處幻與丘壑情陶

今琴觴趣淹留慰心所願惟以賓友故夕陽淡寒山
遲回不能去

田家

長空淡淡如雲掃暮過田家風物好耕犁倚戶寂
無人飢牛卧齧牆根草

沙頭

沙頭鷗鷺寒相傍老樹盤跚枝拂浪前村急雨漲
灘流日暮漁舟撐不上

臨池歌

劉致思倦游復卧故廬有意學書來求石刻因慨

然念昔經行秦洛趙魏問未嘗不回驟駐軫搜訪
古迹故宮遺址豐碑斷碣歷歷相望也吹埃剔蘚
考年代之所志訂古驗今識興衰之所自至乃壞
壠荒榛微陽霧雨雖暴露露沐僮僕色難而余躊
躇不忍去也竒蹤偉筆多致墨本甚者缺裂模糊
不可辨了亦皆摸脫以歸登登之聲殷乎山谷
歸所獲車載牛負不可勝計喪亂以來汎掃焚
何止七厄哉今披篋視之十得一二有副本者
以與致思致思明爽嘗留心字學運筆流快風
草偃固足以軒輊流輩然未能窺人藩域者功

巧一簣耳夫洞石什木非礪張挽強者所能用志
不分乃凝於神梓慶削鏹疴癘承蜩皆此道也致
思充是而學焉余不知其所至矣因作臨池歌以
堅其志切切惇惇亦明友之義也

君不見鐘繇學書夜不眠以指畫字衣皆穿當時
尺牘來鄴下錦標玉軸爭流傳又不見魯公得法
屋漏雨意象咄咄凌千古斷碑零落翠苔封直氣
英風猶可觀元常獨步黃初際清臣後出今無繼
風神迥處一作本天資巧力亦自精勤至羨君好
尚何高竒寒窓弄筆手生胝向來失計墮網銳

氣直欲摩雲飛男兒舌在心何忤卻擬臨池尋舊
學要須筆外見鍾顏會自蛟龍生掌握銀鈎石刻
余何愛勸以短歌君勿怠他時八體妙有餘此歌
儻可君紳書

胡兒莫窺江

胡兒莫窺江長江限絕吳楚間驚濤駭浪如連山
鯨鯢出沒含戈鋌汝不顧死爭相先鳴鼙不響突
騎閑浮屍隨潮去復還胡兒莫窺江樓船百尺高
崔嵬鼓柁叱咤生風雷吳儂入水雙眸開汝不素
習胡為來生雖欲殺死可哀南北孰非吾民戎胡

兒莫窺江前年飛矢入未央日月雙隊天無光去
年一炬燒維揚丹鳳徒沈仍南翔國勢如衡有低
昂犬戎豈得稱天王暴興恃暴必亟亡乘蛇古讖
開其祥中興將士材無雙撫劔氣已馳龍荒胡兒
胡兒莫猖狂

和李巽伯春懷

山寒古寺清斷續春朝雨遙憐遠客情寂寞誰
晤語平生氣軒昂失意今易與有酒即佳晨無兵
皆樂土微吟對節物林靜幽花吐悠悠念鄉邑耿
耿悲豺虎濟時才從橫在談塵功名恐未遲

屏山集卷十一
老翽期更舉

明皇九馬圖

書生兀兀園不窺見馬豈辨騮與騅開圖九駿立
突兀摸稜知是真龍兒奔雷蹴踏原野動曳練慘
錯風沙隨華纓金絡豈不好矯首奮迅那容羈吾
聞取驥如擗士競愛安帖驚權奇士懷惆儻衆論
斥馬有顛顛群駑欺六閑豢養固恩厚橫氣摧折
常鳴悲丹青儻不逢妙手萬世豈識真龍姿因思
中原政格鬪鐵騎倏忽銀山移著鞭安得致此物
掩畫四顧徒歎歎

怨女曲

空原悲風吹首蕭胡兒飲馬桑乾曲誰家女子在
聞以嗚嗚夜看星河哭黃金為閨玉為宇平生不
出人稀覩父憐母惜呼小名擗對華門未輕許干
戈漂蕩身如寄綠鬢負朱顏反為累朝從獵騎草邊
遊暮逐戎王沙上醉西鄰小姑亦被虜貧賤思家
心更苦隨身只有嫁時衣生死同為泉下土出門
有路歸無期不歸長愁歸亦悲女身軟弱難自主
壯士從姑不如女

防江行 五首

朝來殺氣秋千里無立草翩翩黑幟飛結壘天長
道獵罷楚天寒黃雲淡如掃
漢家飛將雜夜戰蕪城北覆刀斫盡利月暗穿圍
出低頭拔胡箭卻向胡軍射
寒烽隔水明虜意猶叵測君王自臨戎萬騎隨清
蹕士氣薄層霄挽槍夜無色
江邊五色旗分摠期門士驚砂雜雪飛日暮孤城
閉寂寥良將風誰識投醪意
樓船動滄江江晴鼓聲發男兒取封侯赴敵如飢
渴腰懸字董頭長歌獻金闕

和安汝功採紫竹杖篇

赤籐表珍奇桃行寄吟翫高情在丘壑微物懷深
眷徵工匪遠林彌山選一幹雲根傍崖巖是堪色涵
霜變匪憑精刃揮根抵難立斷慙慙為摩撫燁燁
光浮爛觸石聲含鍾揮波影搖電矧余疲曳姿假
力斯過半皇皇駟馬威秦趙昔臨按胡為步鯨跚
猥逐漁樵伴千金一顧重朽質增華煥不經提携
未弃擲亦何筭夙懷用捨情感茲發長歎

贈宗周賓

我車南君車北相逢總是天涯客擁爐談笑一燈

殘出門風雨千山隔

澹淡難

南來甌粵無平陸林巒起翠波騰綠扶輿政恐犯
霜露買舟儻可休僮僕清灘白晝雷霆作亂石驚
湍犬牙錯平生珍重千金軀舟子一篙那可託飄
搖棄濊勢轉急金竈傾頽不能立眼看白浪散銀
山蛟螭百怪堂堂出人皆乘險欲趨刊我不安行
悔可及吁嗟世路風波猛巧弄危機暗騁江湖
溯舟猶自戒勢利溺人終莫省矯情鎮物未足言
書此聊為後來警

巡寨偶書

窮寇轉趨海吾邦備宜先連年戍役頻徵兵及漁
佃扶戈或推齒嬰胃仍華顛未知戎伍肅朱旗亂
長阡林端晚燧發石際飛梯懸崎嶇樵牧地萬竈
生浮烟我行視營柵兇戲端可憐倚茲形勢險寇
至常遷延群兇昔吾軍赤指揮鳴弦防胡屢瓦解
合寇俄星連猶多燕趙兇意氣非當年駢車載珍
寶結騎馳嬋娟時危天稔亂事豈汝能專怒風飛
驚濤河梁失歸船四顧天地黑攬衣思茫然

次韻蔡學士梅詩

梅梢破白香清切清雨含春不成雪瑤池髮髻萬
妃遊縞素練悅何鮮潔凌晨燦爛勿驚眼客中又
過嘉平月年年見梅非昔地海角尋芳更愁絕多
情欲伴曉雲飛有恨只教啼鳥說兵厨况是酒如
澠東閣喜聽談吐屑飄零使我懽意盡山城暮角
聲嗚咽庭邊一樹春最晚照影遙憐水方折暫忙
不到今幾時南北枝頭開又歇新辭婉媚發春研
未害廣平心似鐵

禱雨蟹泉

厭旱訟風伯苦雨誅雲師天公良獨難余民多怨

啓夏潦色原隰苗端漲清漪冬暄但流塵土堅不
銜犁陰陽有乘除此理固可推惟神執天權憫物
思濟之穴泉類蹄 幽靈隱其涯髮髻小雙螯控
御蛟龍隨名居列曜尊箕畢可指搗顧匪郭索倫
嘗辱左手持滂沱為一縱豈惟潤東菑灑灑燠氣
清浮浮瘴烟披將聞鼓腹謔寧求折肱醫寸澤垂
二惠此功神所尸遙知青青麥春風滿陵陂吾儕
飽湯餅敢後椒漿期

刀負暄

宵寒卧增裯晝寒起增衣何如負暄樂高堂日暉

屏山集卷十一
十二
暉引光靡盡關追影榻屢移妙趣久乃酣瞑目潛
自知初如擁紅爐凍粟消頑飢漸如飲醇醪暖刀
中融怡欠伸百骸舒爬搔隨意為稍回驕佚氣頗
改酸寒姿薰然冰慈仁天恩豈余私願披橫空雲
四海同熙熙矯首望扶桑傾心效園葵

子魚

舊聞通印名海錯珍莫踰火氣爍鱗鬣鹵香泛庖
厨泥泥子盈胞鮮美禍所區生如粒芥微多若囊
粟儲他年想吞舟勿輕此錙銖一咀命千百雖甘
汝安無窮之享乳時罩昆海為虛含凍體猶僵得

馮味已渝虐戲等刻乃子淫刑幾戮擊人深穢褫恩
在物愛豈殊閩風易殺子盥水沈其軀詎有惻怛
心旁推及豚魚相殘人獸均自殘獸不如哦詩化
蠻獠因警號食殘徒

郡圃觀酴醿

憶昔尋春西洛橋酴醿結洞橫朱架翠帷銀網一
番新百萬花頭相枕籍飄搖羽客靜疑仙窈窕素
姝嬌欲嫁細蕊摘貯絳紗囊撲鼻清香奪蘭麝論
花每恨流品雜韻絕江梅此其亞紛紛紅紫已空
條耿耿冰霜猶照夜只今漂泊一身存海角逢春

此悲咤銀苞翠蔓宛如昨瘦骨蒼顏忽敬馬乍當時
最推少年想見同遊更衰謝洛陽園苑狐兔生
虜騎時來北邙下浮生榮悴均有老萬古興衰那
足訝南鄰地主好襟懷官事稍閑須命駕急須喚
酒賞餘妍惡雨狂風不相借

木犀占風

化工吝幽香斑斑被花木氤氳寒巖桂高韻蓋群
馥無人盡日芳守志何幽獨士介恥求知女貞慙
自鬻鬻淒涼楚山秋糝枝吐金粟淺水映輕明微颺
發含蓄樓端靜忽聞馬上遙相逐踟躕為延佇但

見林鬱綠餅鑿誰折贈清芬闕廬屋久處不自知
乍至彌鬱郁客悲芳歲暮夢遶寒溪曲長吟小山
詞古意恐難復

食蠟房

蠟房生海壖堅頑宛如石其中儲可欲雖固必生
隙嵌崒各包藏硯礪相附積終逢霹靂手妙若啓
肩鑄鑄灼諒難堪曷不吐餘瀝南庖富腥盤豈惟
此稱特吞航大絕倫梯巒萬夫食針鱗九牛毛小
嚼逾十百光螺暈紫斑節膏湛金色水母脆鳴牙
章舉懸疣密烏黏力排界貼石不可索妾魚戲浮

波媚鮎雌雄匹蟹強輒橫務鳥鰲縮常畏出車螯不
服箱馬鮫非駿跡江瑤貴一柱嗟豈棟梁所質骨柔
競愛鱖多鯁鱗乃斥蚌虹鮭赤文肉黑魚之賊鱗
鱠鯉鯪鱣魚鮒鮓鮓庸而鮒小瑣允難盡述
包涵知海量長養荷天德貪生族類繁失地波濤
窄網罟人創禍甘鮮已為厄紛然均可口流品當
別白微物倘見知捐軀不足惜

春寒偶書

浮雲匿晨暉雨雹敬馬春晝天公號令乖陰晴變
何驟小徑踐芳泥通渠走寒溜風顛萬木偃氣凜

重幃透錦綉護巢翔柰此群雛幼擁爐烏薪然雙
手慵出袖褰幃望空明屋角見遙岫良朋不可招
塊處慚孤陋青青桃李未長奕奕蘭花秀長吟昌黎
嗟佳辰去難又

荔子歌

炎精孕秀多靈植蓋字佳名聞自昔絳囊剖雪出
瑤盤尋常百果無顏色閩天六月雨初晴星火焚
煌曜川澤效如彩鳳戲翱翔爛若彤雲堆翕赫中
郎裁品三十二陳紫方紅冠流匹鹽蒸蜜漬尚絕
倫啄鮮空羨南飛翼我聞二和全盛時貢輸不減

屏山集卷十一
開元日涪州距雒巴云遠况此奔馳來海側繡衣
中使動輜車黃紙封林遍阡陌浮航走轍空四郡
妙品人間無復得似聞供御只織毫往往盡入公
侯宅驪山廢苑孤兔靜良嶽新宮鼙鼓急一作繁
華今古共淒涼遶樹行吟悲野客西風刮地戰塵
昏一聽胡笳雙淚滴

屏山集卷十一終

屏山集卷第十二

詩

法石見李漢老叅政

我識今朝李翰林十年隔絕飛寸心素書每逢雙
鯉得雲路欲倚長梯尋翰林昔叅建炎政想見中
興人物盛方圓齟齬不足論角巾雅有江湖興玉
堂草詔禡凶鬼丹陛陳謨發天聽介圭便合趣公
還只今密物才稀並自憐隨牒東南奔假道因得
登龍門怪余髯面益老矣一咲問勞情彌敦僧坊
蕭蕭遠闕闐豈料飄零獲清對牛行尚憶王相宅

公舊居京成牛行巷各行朔剛切曩日交遊幾人在濁酒青燈夢寐間九州四海煙塵內區區王事今有程暫見復別難為情長亭喚馬一悽斷壁月晚墮桐花城

歸田

聲色家有穿軒裳仕之囚冥行不知迷今將返吾軒愛慕洗餘習清虛樂孤遊草亭隱仙巖迎人入雙眸稻色黃莽莽溪光碧油油佳樹殘照滿高穹亂雲流乍參樵牧群辭氣不婉柔性有書史癖時逢甲兵休斯懷黨遂全曩志不必酌

省拱辰山

山彼已煙銷言歸省先塋豈無消息至休惕意自兵戈道孔由不析寸草徑神物陰有護乞或肅言敬瞻壠闕雲墮淚眶睫盈如承慈稊顏如聞言嘆聲道餘孤風存澤本遺愛成昔我罹禍苦結言盈傍佳城哀慕寧有極忽忽時序更慚愧舊篋常遠松栢鳴

士特贈筆

書成癡傳成癖平生識字真無益筆扛鼎思涌泉何如蹶張強弩絃管城雅賦情雖重感此喜難拙於用君不見翠華南渡江江路八百里胡兒飲馬

鏡湖邊不逢漢兵胡自止只今城闕多旌旗報國
擬將雕面兒長星吐華南掃北轉禍為福須乘時
虎頭心事不能已勸君勿弄毛錐子

諭俗十二首

故園喪餘歸來復何有鄰人雖喜在憂悴成老
叟為言寇來時白刃穿田畝驚忙不知路夜踏人
屍走屋廬成飛烟囊橐無暇取匹夫快恩讎王法
誰為守艱難歷夏夏遷徙徧林藪深虞邏寇知兒
啼扼其口樹皮為衣裳樹根作糧糗還家生理盡
黑瘦面如狗語翁翁勿悲禍福較長久東家紅巾

郎長大好身首荒荒戰場頭白骨先朽

西村人慚歸櫟柱燒殘屋東村但蒿萊死者無人
哭昔茲號富穰被禍尤殘酷二三里中豪喪亂身
為僂遺骸帳帟掩飢為啄其腹豈無平生時意氣
凌鄉曲錐刃刺微利舞知欺悍獨錦囊收地券奕
葉相傳續只今鄰叟耕歲歲輸官穀尔曹何顯愚
人生固多欲

何州無戰爭閩奧禍未銷或言殺子因厲氣由此
招蠻陬地瘠狹世業患不饒生女奩分貧生男野
分苗往往衣冠門繼嗣無憂鬻鬻前知飲豕定妄以

人力僥三網既自絕餘澤豈更遙王化久淘漉刑
章亦昭昭那無舐犢慈恩勤愧鷓鴣冤報且勿論
茲義古所標

愚氓擾潢池難難亦常態簪紳有包藏事異吁可
怪豺聲又伺亂鯨戮終何悔游言張兇焰巧謀移
機會初如卵殼微趾踐悉糜碎養成羽翮雄飛掣
鞬繩外翦鉏淹歲月螫毒彌疆界向來詰端由罪
白不容蓋南冠囚載路東市誅其最隆寬俗與新
僥倖汝勿再

野人厭羹藜家有苞丁力徒誇批導手肯念耕稼

勞隱然肉山雄畏彼尺蠶操春泥卧寒野夜月犁
東臯辛勤力已盡棘禍豈逃誰無惻隱心鮮能
勝貪饕蓋惟循示恩况異犬馬曹

扇馬嚴內仗貂璫侍宸閣哀我里閭間刀闌逮雞
豚放麇識忠蓋毋殍著格言矧利肥甘軀絕其孽
息源難銷愛欲心物物天性存逆情氣必戾順化
生乃蕃誰開口腹謀無乃傷仁恩

粵人多悍驕風聲亦惟舊兒童僅勝衣挾箠相格
鬪藝精氣益橫質化心忘陋家饒喜稱俠世亂甘
為寇豈伊天性然習俗所成就吾聞互鄉童翱翔

聖賢園隱豹弄爛斑攻駒發馳驟佩觿尔何知義
方得無謬

村南井欲乾曉汲盈瓢濁飲濁不足言柰此田畝
涸啞龍骨響煥爛陽烏虐良農無他營辛苦事
東作春苗何葱芊秋刈何稀薄我雖食有餘念彼
心不樂乞靈走群祀晚電明霍霍屯膏竟未施天
意自難度

震雷霹枯松頑龍失其據浮雲三日雨盈畝復他
注商羊舞未休旱魃消何遽稍寬人心切仰荷天
恩布稻畦裊連顛接穗給朝飫菜畦擢新萌蕩滌

死群蠹歲儉民死時豐家悅豫青青寒菜色亦
復貪雨露

茲鄉山水佳昔乃為盜窟吾廬已煨燼荒草牆兀
兀牆東大梨樹惟此為舊物火燒枝葉盡老本更
奇嶮衆鳥罷高栖空庭失清樾鄰兒利薪爨往往
肆戕伐豈知昂霄勢長養自毫末寒堤孤碓在廢
圃鳴泉出衡茅且經營霜霰散莫倉猝

未須晉五口廬且復修吾倉求安當卜居求飽當聚
糧營生力有限先此計頗長去年稻盈畦避寇不
得將新芽雨後白卧穗霜中黃鰥悻有飢色寇屢

八屏山詩卷十二
五
餘稻糧解衣易升斗糠粃隨風揚休嗟昔艱難喜
茲歲豐穰鄰翁為人耕貯粟不盈箱溪頭廩與困
累粟已相望

縣牆挂德音盡弛今年租旄倪發懽謠助達和氣
舒皇恩施甚厚疲瘵望少蘇吁嗟吏舞文詔紙墨
未渝借貸盡白著勾稽窮宿逋培克儻歸公民貧
猶樂輸量權徵倍耗資緣竊其餘寧逢盜剽攘厭
聞吏追呼盜姦又必戢吏姦無由鉏雷霆不言威
肉食忍自誣故態勿狃習窮閭勿侵漁勿謂天聽
高勿謂黔首愚

清江行

漁翁一棹老清波稚子學語能漁歌日暮沙頭寒
蘂竹雨餘船角亂堆簑鬢殘小鮮仍自鱸湖海茫
茫醉鄉內夜闌酒渴漱寒流月照蘆花上蓬背

聽詹温之彈琴歌

鳴琴藝精非小道可惜温之今已老玲琅一鼓萬
象春鐵面霜鬣不枯槁自言寡知音求我為作歌
號宮韻角可聽不可狀錦腸繡舌空吟哦吾意其
一氣之濁清兩曜之晦明山河之結融雷霆風雨
之震驚包羅具七弦開闔造化由人心又疑夫堯

禹之躬行立軻之立言瞿聃之同歸百家諸子之
紛然更歷千萬古此意不滅絲桐聞滌除浮慮清
蕩摩愁襟開琴之氣象廣莫有如此欲媚俗耳知
難哉寒缸燒酒夜向闌罷琴歸矣我欲眠夢跨冰
輪出瑤海一咲碌碌瀛洲僊

鵝峯居士以地黃遺病翁因為作引

君不見咸陽之原涇渭之間靈苗叢生綠芊錦春
風莽莽膠晴煙天馬嚼齧黃金涎渴噴清浪香浮
川年深駿足宵騰邁目有神光破昏昧方經誇異
儻不誣伊人服之功必倍君家種藥南山隅紫花

褐實連庭除長鏡斲動雲壤婉婉盡拔生龍鬚
飲之清醪觀其德宛如君子彌溫克浮沈詎卹世
論量蒸曝益見中腴澤我年三十號病翁空齋藥
杵聲瓏冬未能醫國慚君賜舊書且讀蠅頭字

萊孫歌

屯田詞考功詩白水之白鍾此奇鈎章棘句凌萬
象逸興高情俱一時耆鄉骨朽士特死澗谷錯莫
無晶輝後生俊秀何其寡吾宗喜有萊孫者雙瞳
點漆面如水一見使我心神寫讀書已通經學賦
已知律只今年十三吐氣成五色驪珠出海夜生

光突竒流弦追莫及人材有價誰能私不妨乃翁
聊譽兒囊中彩筆今付汝往繼二妙聲名馳

夢仙謠并引

劉致明夢與七客游仙胡原仲與焉其事甚異致
明清脩純實非夸誕人也因為作謠以記之他時
二人凌太虛誦此謠當懷所謂病翁者耶
鷺子峰前波色清劉郎看山無俗情癯儒自昔有
仙骨夜夢體飛如葉輕雲中不識朝天路雙童導
我凌空去側身度巖隈盤盤復回回翛然意往形
不礙石窠蘚竇俄天開乘槎夜泛牛女渡鞭鸞曉

入金銀臺花深一不逢人時聞佩環聲仙翁睡起方
結襪見客坦易無崖垠擊蒙冀垂矜叩妙獲一言
七情汨心心憤昏室慾如水澄其源曰中吟咀藥
手撮仍見分旁有冷冷泉三漱乃盡吞駐紅却白
非難事貪生慮死真愚計當時同遊七姓俱但記
古月成胡字塵緣未斷不得留海風吹過蓬瀛洲
覺來牕戶真矇曉玉鏡晶晶墮松杪

雲際會劉致中

紅綃千樹飛雪殺萬株李柘葉青青如鼠耳橫山
渡口浪成堆認得劉郎船子來物情時事不須說

且喜新歲同街杯少年鼻哂輕流俗欽銳收蒙今
碌碌敝裘常帶客塵緇雙鬢不如春草綠東風吹
愁入我心使我嘯嘆成悲吟問君底事久留此曷
不懸鑣歸故林

懷舊歌

黃茅生煙暗村落浩歌無復當時樂鄰家酒熟送
鼻香一醉乾坤墮宜漢尋芳屢過垂玉軒又魚夜
上浮清閣闌牌擊鼓多伎倆我獨旁觀惟大噱驚
峰入座懼難保幸得身存他勿道吾宗潛武卧空
摧衮臣兄弟埋荒草當時辭舞向花下綠鬢朱顏

各鮮好隙駒風燭尚須更數子凋零不待老死生
細事從渠天莫學兒女相哀憐一窻容膝可終隱
寇盜擾擾今連年王師誅鉏有漏網死灰熠熠猶
思然憂煎過計祇自惱且但努力耕吾田

夜過王勉仲家宿酒數行為作此歌

遙林帶雪迷村曠伶俜一馬行無伴故人家住丁
坂頭停驂避迨成清款犯寒知我猶空腹地爐然
薪架紅玉花窰湯酒欲生香竹外庖厨闌剝肉夫
君不有中饋賢咄嗟辨此何神速酒酣意氣悲荆
棘尚憶朱甍舊時宅豺狼得志竟何成至今人骨

如霜白亂離少有闔門在漂蕩俄驚五年隔數畝
荒田已失耕一間茅屋仍留客客情主意懽難盡
短臘窮冬春欲近明朝分手更愁人且覆清觴莫
留騰

夏日吟

君不見長安公侯家六月不知暑扇車起長風冰
檻灑寒雨重欄邃屋晝生陰反易天時在談吐又
不見五陵富豪兒炎天多快意雪穀曳輕明珍槃
嚼甘脆蛾眉皓齒發清歌灑酒筠枝集蠅蚋何如
野客歌滄浪萬事不理心清涼流金鑠石未為苦

勢利如火焚中腸

萊孫求墨并以詩與之

何年老烏龍排山折其角漁人網得之澄淵起雪
霓異物世常猜神光夜潛覺流傳歲月深質槁紋
斑剝漆簡射晶熒玄圭靡雕琢孰謂喬松煙能成
此堅確晴窓試墨池雲霧生掌握只恐化蜿蜒飛
騰入冥邈萊孫真可見句法有家學贈汝囊中珍
慚余鼻端斲

劉致中惠瓜

炎燭氣如焚塊坐惟兀兀劉侯惠甘瓜胞次瀉溟

渤豐膚素浪浮翠理霜刀刺因思少年時窺園步
清樾百金酬地主熟帶香可揭鄙懷須一快聊効
野人藍種瓜雖賤工愛護渠敢忽薶芸治其煩灌
漑滋其竭自然子母繁翠蔓相連結種瓜誠有道
養民豈無術噫余夙昔知此意未及物

白水見梅憶士特

去年看梅時中郎共開樽今年看梅時獨招中郎
魂悲歡聚散誰作惱擬欲問春春不言

送謝中堂

相別夢悠悠相逢懽草草送君躍馬臨長道十年

顛顛向塵埃一段精神摧不老

與純臣原仲温其煮魚羹

衆寶會高堂嘉魚脫重淵霜鰓尚呀呷綠藻仍牽
連厨人起揷袖刀抗鳴鏗然斷尾頰殼碎批鱗玉
花翩雲雷箭深金清香已遙傳投葱裂素絲裁薑
落金錢陶甌舉筠箸更覺真味全細紋松江鱸縮
頸槎頭鱸吾儕但知飽羨惡無棄捐何論調羹手
聊復試小鮮

餘耕

炎方橄欖佳餘柑豈由裔風姿雖小殊氣韻乃酷

似驛顏澁吻餘髣髴清甘至侯門收寸長粉骨成
珍劑猶聞雜蜜草少轉森嚴味竒才用不專雖用
何殊棄端如效苦言逆耳多嫌忌棄果事何傷違
言德之累悅口易逢知感茲發長喟

打魚歌

西溪觀魚仍開樽鳴榔隱隱沈煙村吾人豈有竭
澤意頌洞四際魚龍奔驚潛初見穿亂藻亟遁轉
覺迷深源向非驅迫群當聚早罷徒使波濤渾巨
鱗足供數客飽銀刀瑣碎不足論吁嗟神物未變
化暴骨砧机寧非冤江湖萬里厭游泳失地斗水

能為恩臨流解網忘亦厚誘以芳餌仍爭吞因悲
搖尾向數畧豈異俯首縻華軒慨然投箸起太息
歸思已逐冥鴻騫

潭溪十詠

悠然堂

吾廬猶未完作意創此堂悠然見南山高風邈相
望至賓至聊共娛無賓自徜徉

海棠洲

煌煌海棠洲錦樹臨清灣常恨灣頭風吹花走瀉
浚潺浚去不息花亦無由還

醒心泉

藤蘿撥不開石竇一鏡明攜瓢酌清甘謬然瑩心
神我病不能酌時來聽泠泠

懷新亭

茅簷入竹低曠野時寓目寂寂農家春新袂滿田
綠何時稻登場秋山響逢樸

宴坐巖

青青槐樹林下蔭蒼蘚石幽人宴坐時懷抱忘其
適不見暮樵歸寒山雨中碧

山館

春林遶舍青門館終日靜吾心樂有餘所寓皆勝
境更鑿庭下池溶溶浸山影

涼陰軒

北窓何所見疎竹雜遙岑涼颺思有無虛簷動蕭
森此興何由盡移床入翠陰

摘林

木奴困新移憔悴雪霜侵呼童翦其顛割愛慮已
深會待春氣回青枝補故林

蓮池

蓮池一泓餘瀾瀾吞衆流花繁不近堤欲往無方

舟不及池中魚隨波自沈浮

南溪

聊為溪上遊一步一回顧悠悠出山水浩浩無停
注惟有舊溪聲萬一流不去

兼道攜古墨云龍紋墨皆識云保大九年奉勅造長春殿供御龍印香煤旁又識

云墨務官臣庭邽監官臣夷中臣子和臣

卞等進蓋江南李氏物也感之為作此詩

長春殿古生刑蓋猶有前朝遺物在錦囊珍重出

玄圭雙文刻作蜿蜒態枯皮剝製六幾利斷瑛精

堅磨不殺吾聞李氏據江左文采風流高一代當

時好玩不獨此器用往往窮奢汰微工選技填御

府不惜千金為賞賚治兵唐推英衛精治民漢許

龔黃最惜哉取士不知術妙手獨得庭邽輩真主

驅馳八極中荒王逸樂孤城內汗青得失更誰論

尤物競為人寶愛嗟余視此真龔龔土事有至微猶

足戒投文欲往弔江流幽魂未泯應慚悔

入開善

雙童肩竹輿兀兀如乘舟及茲朝暑微遠訪招提

幽蒼山望中橫清泉脚底流所歷已殊勝况乃窮

林丘僧房在在涼逢迎足茶甌岸幘幽鳥鳴橫琴
素煙浮倦借一榻眠吾生復何求薰風溪上來虛
簷散颼颼開懷若傾倒忽去不可留人間苦炎熱
物外常清秋功名非所期聊尋赤松遊

寄茶與二劉

然松煮鼎山泉冽槍旗一水分優劣鳳餅推開雪
照入花瓷罌罷甘潮舌大劉談天紫髯張小劉逃
禪清興長會須酌此同翱翔或凌剛風九天上或
泛弱水三山傍

劉兼道獵

劉侯好獵親馳逐指呼雙犬如奴僕朝衝唐石亂
雲來暮聽潭溪流水宿何如著鞭走大梁我亦與
子同翱翔今年獵叛醢彭越明年獵胡叛德光

予同暝聯今平無幾酒造楚即平無味唯無光
雲來暮朝雲寒水亦留吸香蟬夫大栗然亦與
隱妙致難歸地語如夢入收收對障衝浪五瀛

屏山集卷第十三

詩

觀二劉題壁

溫其題詩新磨寺落筆風雨驚長林眼高一世常
欲罵想見掀髯坐巖陰致中題詩新興寺壞_群上歲
久苦苦侵山僧好事亦可喜解誦鳥啼春意深我
來經覽渾如昨玉友金昆念離索投林倦翼不同
栖况復分飛在寥廓故山終勝他山好新交不如
舊交樂何況把酒問鷗盟卧聽松風同一壑
入白水訪劉致中昆仲

八屏山集卷十三
夜雨歇清曉山椒雲氣昏
言聊出遊窈窕窮川
原側帽避橫篠揚袂障晴
暎春泉散石壁細草羅
丘園陟峻已逾嶺窺深
更綠源喬松傍澗折垂
柯激潏溪過籟寒慘慘
驚林白翻翻造幽景寒
閨勝絕難具論僕天知
余樂竒獨為停軒惜無
徒倚地時來此開樽暮
投我鸚峯宿青燈耿柴
門相從二三子交情久
彌敦談玄測象攬佩紉
蘭蓀頤言固所懷丘壑
吾道尊

攜筇

晨起偶無事攜筇出潭川
翩翩雙鳧飛宛若導我

前林靜滴殘雨村深澹
寒烟當春足膏澤俯夏
餘清妍野溜綠交貫山
花紅接連雄觀發新奇
勝地窮攀緣據石弄鷺
急班荆陰連卷幽懷脫
塵拘如超混芒先向令
作興來未必勝偶然榮
觀事多乖內取樂乃全
他時誰繼遊此意遙相
傳

續賦家園七詠

早賦堂

南溪抱山流潤氣滋林
麓平生歸歎心寄老一
堂足夢破午牕陰清風
在寒竹

橫秋閣

秋山萬尺青影落杯酒中登臨豈不佳寒色見遠
空未忘天下憂胡塵起西風

萬石亭

嵐光近卻無一徑緣崖斷危亭勢欲飛翠石雲中
亂小山闕清遊懷人發長歎

桂巖

山中多桂樹亭亭傍幽巖微風發秋香十里穿松
杉誰歌招隱詞吾生付長鑱

百花臺

森沈徑易迷楮筇為徘徊何處春光多時登百花

畫主人澹無情林花為誰開

酴醾洞

不愛酴醾花愛此酴醾樹青條含露滋輕陰覆行
路晝永倦尋書時來散幽步

意遠亭

雨餘陂水平徙倚聊一望歸雲淡欲無宇宙何清
曠吾心游太虛聊寄此亭上

題靈鷲窓

翠合初疑無路往停鞭邂逅成清賞僧爐坐穩紙
窓明細雨忽來山竹響

和温其對月之什

意根如亂苗已雜仍復生讀君對月吟知君懷未
平懷悽有豐恨吟苦無和聲雄豪睨一世失路鴻
毛輕所以達觀士榮枯兩忘情蒼蒼古松林下有
寒泉清醉倒石上眠山禽喚人耕

讀平險銘寄李漢老

官侯鑿平劍浦灘游子不歌行路難李公作銘垂
不刊峻峰激流生筆端斯文豈但夸誰觀寓理之
奧開龍窟惟人性天同廣胖橫自立見分庭壇紛
敷蔽翳榛章雀騰逃鬱屈猿蛇虺銛剡獵利劍戟

攢離睽截裂趙魏韓千崖百瀨中繞蟠覆溺鬼岸
糜堅完胡為氣舒兒顛預旁觀已洞其肺肝浮恩
一縱坂走丸不極不止巧力殫塗膏然箕卒焦乾
萬古乾坤元自安堂堂靈君司五官乍臣乍叛勞
控搏日漸月磨如印利壯哉情擠牢盤還正字躁
謀欲驟加雕刻慘若蕭斧臨髀髓自腥夷之良可
歎何如舍垢休索癩灑灑落落從中看豁然四通
裂囊篋有如灘流平不端鑑靜天空秋月寒瘵性
此寔言中丹至味淡薄誰能食我昔蒙公分贖殘
桐花城西路漫漫裁戕屢喚南飛翰何當漂淪約

椒蘭厚地為履天為冠從公上征鞭龍鸞訪聖追
孔聊遊般物外虛明如許寬脚底日轉紅團樂瑤
池筵席一笑闌春著萬象流餘懽茲遊未遂心傳
博吟餘北窓睡長齋清風時來撼琅玕

同胡原仲吳公路遊清湍亭賦詩得流字

出山曾幾時桂露颯已秋興來任兩屐散此默默
憂嵐光近仍滅鳥語靜忽流新亭迥臨危急澗循
巖隙上有獨樹蔭下有鳴湍幽長飈一振蕩俯仰
聞颼颼平生塵累心淨盡迥此遊徘徊嘯詠發瞻
眺窮林丘天寒雲已歸山好客自留悠然百不知

日月過則休人生幾在在我何必遂所求

和熊叔雅四詠

石峰春露

雲山遠欲無春在宜濛處何如掃浮陰盡放岩光
露

清湖驟雨

快雨不相期平湖勿心蕭颼坐久日明簷繁聲靜中
滅

潭溪秋碧

秋空晚自明孤烟澹難起適意一枝筇時來對寒

水

屏山夜雪

誰憐組練寒夜雪浦
營積有客卧衡茅淮山夢中

白

次韻李漢老詩

蒙莊嘆隙駒孔聖非
逝川百年生有涯萬感情無
邊賢愚真唯阿繫心
同一緣內熱盛其中伊誰肯
求痊樂哉今日遊西
不實肅初造社樗間群材煨母
參衆矧謔弄既莞爾
兩戲酬亦頽然胡為發爭端
咄論深禪擊水但涵
日波止薪自無煙便應三宜休

敢論四不遷公如直車馳揚塵絕通郵我如馭小
駟交紛已回旋初謀不自量取困大敵前金化質
不亡冰融水非堅市門有真樓相從待他年

次韻致明七言

春風搖溪溪搖天劉
郎詩思如涌泉已憐飛花太
狼藉卻愛芳草長
綿癡兒了事從渠了萬古寒
空沒飛鳥北海樽中
興味長郎鄣枕裏功名小南
山北山雲崔嵬君胡
不歌歸去來山中交遊苦相
憶玉柱瑤瑟生浮埃

謝方德順古風

吾聞滄溟深浸灌東南維長風一湧瀟莽蒼天為
低中藏百怪珍光彩陸離潛鯨盡鵬材游魚悉
龍資罔象遡波浮天吳躍空飛蚌雖辱泥塗猶能
吐珠璣地靈物固然在人必多奇英英方家郎秀
發如瓊枝裝懷素王書落筆幼婦詞我昔官廬山
邂逅初見之宿違為勸駕一武登雲梯鴻鸞九霄
快驥騁天路夷似聞東諸侯辟書已交馳惠然訪
吾廬窈窕窮山谿夜燈一笑懽秋袍忽若遺語妙
時脫鹿飲豪屢反平危領新意自失佳處昔未窺
胡為遽改轅端袂風披披上祈養德業下祝慎鼎

敬言崇道公久別良佇思

少遐遠訪弊廬仍留佳句書此寫懷抱不足

為報也

常嫌門外車驅馳但揚塵今朝故人來喜聽聲
麟音別自梁苑分飛湘吳閩痛心鳴鏑禍亦徒力
復陳其載諧寒閨分節上嶙峋山川舊賞我袂友
意彌新徘徊小精廬劇談口翻津為言漂蕩餘投
迹荒寒濱夕火芥僧林朝飡糴鄰困官閑非所恨
有祿不濟貧牢愁寫萬斛語杜眉不頻定知擅腸
書為君發精神調鐘尚變啞畫龍孰窺真吾聞個

儻才韜默貴自珍量海浚宜廣豪山磨欲磷十科
世所重羣公謂當仁向來薦牘飛壁光動高旻陳
編論糟粕中有王道諄謀國必張國療民須活民
但得君名揚何異我志伸

柳源觀瀑戲明仲

山橫曉色中綫路窮崎嶇何年貫日虹飄然墮秋
虛晴暉發燦爛陰飈助傾輸淙深粉雪沸注險龍
蛇趨平生蕩浩曾對此聊一舒蒼蒼古澄潭髮鬢
幽靈居竒觀付豪逸餘閨分膏腴來遊今七賢賤
跡欣與俱扶筇卻軒輕坐石安甃甃壁陰生小寒

賞澹樂有餘詩魔久已降幽事復起予為言玉堂
人五字不可無

次韻明仲遊將軍巖

樂哉今日遊結友盡英秀山靈欣客來閣雨開雲
岫步屣出烟嵐聲呼答囁實輕生快險竒一墜那
復秣崇林翁地幽長湍瀉天漏精廬記舊經密徑
迷新窳將軍隱高寒古井餘荒甃巖有將軍井當年百
戰疲蟻蟲生戎胃心存巢許間功豈韓彭後慨然
望中原毒手方交鬪曷不生斯夜天驕過難宥妖
氛六合昏長夜何時晝尊周感獲麟懷楚歌啼狎

世變莽難知如瞽窺篆籀置之勿重論大白引醇
耐幽禽靜一聞寒芳晚三嗅方虛接勝懷日較轉
何驟山南山北奇脚力倦尋究良遊易蹉跎澹境
難宿留詩囊歸倒懸瓊瑤羨君富

寄彭子靜

凍岫立高白曉寒生太虛閉門翻巾勝偶見良友
書書中有長句別懷陳鬱紆吐鳳詞既絕續貂理
難如起望新鄉雲一讀三卷舒繁思攬中高賴此
豁欲無鷓鷯有潛化蓬麻豈資扶吾人交義深不
恨相見疎但恐德不脩心期愧非初

必源以古風見故詞意甚遠因為賦風吹原

上苗勉其殖四字待時也

風吹原上苗青青入無邊發生賴陽和秀潤滋澄
漣游車走道旁忽之如浮烟那知丁黃愁枵腹望
果然農功日夜急地產東南徧飛霜皓盈疇豐穗
垂連顛盤玉薦新嘗瓊糜失輝鮮物生為世用豈
較成後先羣芳紅打圍從渠爭春妍

少稷賦十二相屬詩戲贈一篇

不用為鼠何數奇飯牛南山聊自怡探穴取虎有
奇禍守株伺兔非全癡文成雕龍盈卷軸畫蛇失

杯坐添足走馬章臺憶舊遊歲月纔驚羊腓熟六
總要自息獼猴異雞無應心日休白衣蒼狗變化
易世事何殊牧豬戲

夜行潭溪上念仲原致中喬年茂元伯達皆

有入山期以詩趣之

長夏不見雨祥暑故相病及茲顯氣回一夕飛灑
併攬衣步新涼宇宙澆清潤月離去南山高水循
雙澗靜流觀外既洽至樂中泠應緬懷平生友契
爛時光運石峰許尋盟有約殊未定事紛莽如塵
欲掃那得盡年衰覺世浮慮澹知心勝良游莫蹉

跏小暇即乘興

再和六四叔所賦十二相屬詩

飢鼠緣條殘果墮舍如蝸牛足高卧無心虎豹逐
群英尚想兔園傾一坐同年我又衰龍鐘龜蛇相
憐寧有窮馬革戰場空白骨羊裘釣瀨餘清風棘
端造猴巧難學且赴茅簷雞黍約雲深杞狗夜可
尋已辨豬靴走磽确

讀曾吉甫橫碧齋詩

攜鉏引荒泉偶步松崗北冷然毛骨清楚尾見秋
色稻氣馥初涼檉陰澹微日緬懷小齋居櫺檻增

岑寂曠度滅知聞微吟數峰碧若人端好脩珍加焉
動無迹深窮伊水源峻陟衡山極終焉憩孔林所
樂惟自得延和數酌醪侑靜一編易向來辱傾輸
洞見胸中白思親道匪侔既遠情不懌矧余質真
頑固未易刻畫尊生有遐心克已無全力以茲畏
所知負負常夕惕餘波儻時漸玉汝天其或

次韻明仲遊榭雲閣

溪山步步開圖障山影更隨溪蕩漾回環兩縣烟
雨奇一目盡奄長橋上乾楓枯柳澹不春權伯為
解愁城屯書空咄咄亦良苦抵掌嗚嗚聊任真山

房竹陰生晚寂客醉三歸主忘客沈機已寄謝
暮逸與何慚阮孚後道人棲雲樂其天孰知為仙
孰為禪定應風胡足枯槁絕勝磨蟻爭回旋

同汪正夫行夫望鄱江

夜夢鄱江清曉踏鄱阻以縣雲濤著眼新還疑夢中
見寒聲彭蠡合凍色磨峯現時方冬氣深水縮川
原變連沙突堆阜派港分組練蕭蕭蓬鬢風瑟瑟
葭叢霰竒觀信幽絕領略殊未徧何當烟艇高載
我行境面二難今勝流客客移清燕飲酣生泰和
語妙融交戰衰遲百不堪一快天與便回筇晚霽

中路歷滄浪轉波光似留人隨裾蕩華綯

呂居仁惠建昌紙

寒聲晚移林殘臘無幾日高人擁楮眠嚮卷意自
適素風含混沌春煦回丁吸餘温偶見分來自芝
蘭室乍舒魄流輝忽捲如無迹未能澡余心愧此
一衾白嘗開盱江藤卷坐屣走虬屈斬之霜露秋漚
以滄浪色粉身從游統以月齊麗蜜乃知瑩然姿
故自漸陶出洽物猶貴結浴心豈宜逸平生感交
遊耳剽非無得精神隨事分內省殊未力寸陰捐
已多老矣將何及自從得此衾夢覺常惕惕清如

失心鄰粹若淵騫獨發證錫邪思我心忽
絕知聞虛聞百靈集以歸或存成章弦亦規失
則知君子所慮以勸蒙至

任伯顯昨寄日神不至續以瞻瓶為賦

石瀨分攜常慘慘尺書昔至中彌感槁梯不呈媼
毋面圓壺俄落稚兒膽南窓吾伊不動汲泉養
花聊任真枝頭造化豈耐又我輩有無窮春

寄茶與汪正夫兼簡行夫

絳囊團窠社邊得持歸質文破枯寂三古本有
雌黃一引胸次還虛白平生目成惟素書適英能

事知有餘欬然長嘯風裂石懸山方卧小於菟

雲巖竹源二禪俱與招客三月二十一日遂

飯于竹源庵道諸野則獲也劉奇仲有約

不至吳周寶洪德華劉致中暨公望劉才

仲陳聖叔某公鳥從容辯論懷抱甚適因

賦詩以紀之

雲巖市設中竹源山之二履平生幾兩履惟樂取意

去晨光霽老春飛蓋雙溪路沙平水漫流雲散天

全露遠迤經淺坂窈窕穿崇樹綠空方怒舒紅竟

忽繁雨斯焉得小休已矣其常主觀乎

吸名勝聚子休心鐵石太叔語韶濩鼎吳劉陣

俱有不凡度余衰氣不華清邀慚輒與未渠推遠

之政以枵然故九賓既雲集一士乃鴻翥毋多瀨

幽人蔬茗煩草具叢談雜莊謔泛閱披黃素豐鑄

辨活筆始畫窮真數解衣半日許萬古回月膝西

窓引虛明汎灑延晚步嬾身厭依隨靜若超羈馭

博山真起予浮烟一枝鷺

寄茶與曾吉甫

兩焙春風一膳隔玉尺銀槽分細色鮮苞難辨邑

中黔淪蓋方知天下白岸巾小啜橫碧齋真味從

底傾輸來曩歸畀余一語妙三歲暗室發為雷
竹源之集奇仲不赴蕭屯以詩嘲之再用元

韻

平生老子與渾寄幽絕處寧嫌一坡遠甘作十歌
去至今清夢狂時走松陰路心忻自吟哦技癢輒
披露那知管削微辱報瑤瓊樹胸中萬斛清忽向
毫端雨接榘未敢再破的已驚屢病身得所便一
閱神氣聚淇竹秋稜纒落花春布濩真機不可藏
文亦肖風度樂哉精廬遊愧我不常與陋鄉豈無
奇之此追陪故翻然卜鄰心幾逐長風翦但分茅

不似牛十具劉郎箇中人
幽期乃愆素曾無
不負其言直委苾苾數移文
太遽生恐未明深膝君
有旋磨蟻瑣屑安故步
何如驥突雲軒豁隨長馭
葉枯豈小歟動者中不驚

屏山集卷十三終

屏山集卷第十四
詩
題大義泉
移節山未深切骨寒無那蜿蜒瘦蒼虬腳底飛騰
過幽亭護石池庭事不敢浣虛中涵月淨冷面從
雲呵去欲植玄壁試恐觸方諸破平生泉石癡屢
此箕踞坐重來照清癯白髮添箇箇九心未痛浣
老氣日以隋緬懷大義風絕唱寧無和悚然聽琮
瑋耳觀為之大

同范智聞五月十四日夜賞月

微風淨郊原暮色含清夏層巖月欲上烟烟木葉
罽豐姿一髮鬢爽氣十毫射流光不著地黃抹溪
西舍翩然釋嶠飛雲浪鱗鱗化常恐螺髻青失此
驪珠挂借奇觀天所吝老眼得屢借不嫌神太清
跣立高梧下故人肯留連一咲偶良夜濁醪勿虛
杯庭縞醉可藉

向元伯寄藝香陶爐有心清聞妙之語

鄱江細壤如凝脂陶成小爐圓淨姿色含三秋玉
沉澹韻歷六尺金梭視明窓澹澹淨薰起故人警
余良有以心清聞妙遊無方萬石只在吾家傍

石鎮萬

感白髮

兒時坐澗石散髮如浮烟風驚綠鬢鬢是欲凌飛
仙那知二尾見倏忽到老邊蒙紗猶鏗彩獵鬚強
呈鮮星星儻未已遂恐華吾顏騎省歎遇合郎潛
感迤邐萬古寄一轍長歌悲昔賢流光不假借志
抱何由宣餘齡事可知已矣寧非天窮通各有
憔悴孰使然淒其槁梧畔傷若明鏡前靈膏詎能
涅媻拂事可憐惟應幽室處一猛放萬緣嘗聞衛
生要心白髮自玄

同吳居安入關善四首

遊松菴

虛廊附山翔泉聲小菴閉齋餘恣行
遨剝啄忻屢至午陰遇蘭芳夕照坐
松吹徜徉無所為聊盡今日意

宿省軒

夜空合一寂擾擾息萬勞幽懷耿不寐
孤燈側殘膏稍知山雨來聲在橫林高
淒然卻成夢夢泛秋江濤

過報德菴

循溪踏危石路入篔簹塢森森翠檻間
一幹橫清雨茶煙日月靜石壁軒扉古
盡茲北山旁小勝無遺取

出山

日日冬氣昏霜風不鏤面回輿始見山
數點寒中現我行得勝友笑語生華絢
如何劔峰南咫尺不常見

次韻茂元獨速歌

大兒行文學蘇黃暗潮無聲走茫茫
小兒分題擬甫白手扶藁頤取冰魄
自成機杼誰如君悲歌乃

有可憐色曉來春歸薺葉新青女摧之良不仁那
知妙齡氣如許一睨辟易驚千人我亦歸為村裏
翁接花成條歌屋紅跣行肯追蹠躩步杯飲不羨
琉璃鐘相逢他事不發語醉面徹日承谿風君不
見豐碑模糊立峴首又不見總惟虛對百眉俯何
如吾儕見在身有口猶堪著醇酎陶兀兀未全
非赫赫炎炎豈長有硯峰絕頂撫孤松伊誰及此
蒼髯壽

張巨山賦蠟梅因成四首

取名慕橫枝要自同風格雖微調鼎味宛有金鉉

色

渾疑蠟作花貌野中抱幽冷香不羸比意盡仍一

流

尖萼破微霜明犀透清曠不有朱紫繁那知中色
尊

今日尋此梅危行石澗東花神欲宣令萬鐸懸春
風

和李似之秉燭觀梅詩

凍色沈萬象晴巔露皚皚通宵月觀夢夢破東風
采小立值芳氣微尋見寒酥我病亦呼客沙邊久

徘徊恍然驚老眼一枝印清杯應知塵意盡故向
癯儒開謫仙愛逃禪茲心政難灰覘新不待晨燒
燭寒巖隈草木有令章發揮要天才賴公管領春
筆端起潛雷

行夫寄黃山樵子有詩因同來韻

老坡文中哮鬪聲凜凜常如對英峙琅然諷詠興
凌雲擘若追攀穎流泚玉山妙唱久寂寥可與言
詩有之子栽歲遠餉風露新坐我十尺黃山底初
按玄穀出冰霜小嚼清香泛窓几已輕魏帝昵蒲
桃肯許唐賢魁絲李極知人口無正味苦淡甘酸

各矜美不輕真識為品題此物初筵幾不齒青菁
有用拔蒿萊白粲無耐腐糠粃士懷瓌瑋勿自神
澹迨飛沈同一理子才超矣會曄然外澤中真期
是以味果固已驅煩邪味道更須淪骨髓

劉道祖江程萬在順甫講易孟子拾其意為

二十韻

吾初讀七篇未領躍如義晚而窺大易稍解寂然
意乃知平放著的目前事盡心則無餘窮神忽
超詣以斯印群書拈出句句是君臣父子間運量
周旋際體之則光明雜物了無累偉哉此陳編孔

孟心所寄有如撞洪鍾合響入迢遰言高聽者曠
 不絕僅如綴幸茲良友集一發萬古秘真長富辭
 千百折無留勢文通秉文均裁度取中制宛立坐
 忘言袖手豈深閉鄙懷頃為空快若掃長筭旁觀
 二三子耳剽咸愕貽誘之循循然活處鱗鱗地氣
 質雖有拘學問欲如說時乎不再來過此恐少味
 大書鏡坐隅以起衰惰氣

韓幹畫馬闕四足龍眠榻而全之

吾聞兩臂天下重馬失四蹄將底用平生想似萬
 里近對此惟心惻然動得非曾落驚駘群腕脫泥

塗良已勤又疑逸氣厭拘係絕蹕徑欲超浮雲
 觀事乃不爾劇破練丹青老無色軒昂自有尊足
 存顧軻一株陰山碧韓生筆法妙此圖龍眠榻出
 了不殊斷齧自昔徒聞說續鳧雖工計已疎何如
 染作滄江遠明滅要看追風蹴微雲

次明仲石字韻詩

頰宮德厚仍信石北扉筆力談咲扛重圭疊壁凜
 群視不使東甌成陋邦日邊時見召仙李林下那
 容棲老龐故園此日成勝聚歸夢不泛瀟湘江萬
 畦流泉裏雲屋一點遠岫低吟窓客來有酒輒均

醉長嘯手拊高梧幢挽蔬唯便玉本脆碎鯉屢惜
銀鉞雙伊予於世真長物掃迹自分逃空坑驟掄
揚之則過矣豈有骨相當奇龐左提右挈儻聞道
了快若船下龍極知魯衛兄弟國邾小尚許趨
風降堯堯岌岌正壁立濤瀨未敢輕春撞

寄致明兼簡余時升

資當有利材要自為本觀綠虬挾春怒穴土氣已
完達士審所施窮士審所安癯劉燭人鏡偽態了
莫于常吹嗟二余傳以摩雲翰大余攜書來一見
意已殫似為殊勝搖胸中哀濤瀾波膚禿厚囊枵

曠拾衆殘那知藝圃遊宇宙自爾寬黃間跳鏃易
省括眼要端幸公調護之無使困所難鷲峰橫几
上晚翠深作寒倘祥有真樂未應悔儒冠

次韻明仲畦字詩

祝融散仙在西溪平生無町畦一日不見十
日恨綠稻渺渺吞幽細紅時澆壘塊跣行咲
逆冷然風意消萬事如燎髮小醉扶頭須半月叩
梧林谷為呼號隱几乾坤有超越自憐頑鈍不可
鞭挽之欲置名流邊長言為我深社暑灑日萬然
琮瑋懸

入白水懷士特温其

曉山随意開夏氣含露澄扶筇過巖嶮飛仙亦凌
競松濤淨可漱嵐煙起如蒸巨嶂轉昂昂危厓上
層層悠然瞻眺地髣髴記昔曾是鄉雖窮深泥泥
秀色凝高扉靜相對招邀足嘉朋讌席覆大斗吟
窓燁華燈于今安在哉骨冷喚不應軒軒鸞鳳遊
驚魂失飛騰豈伊黃壤恨興言鯁煩膺含章不震
輝憔悴非所應雖微三字顯要許一豪稱余衰怠
好脩故態了不懲條爾念離索終焉愧瓌能噫嘻
天風來躡躡素蟾升及時痛自策迅彩不可憑

胡明仲潭溪三日飲

潭谿梧竹堆無地浮高崦暑中猶未佳袒膊腑清
深急雨翳幽芬空山落啼鴉村醪得舊燒時果出
寒沈醺然三日醉是鄉絕呵禁巖風故吹醒偷逸
嫌太甚人生唯一真擾擾萬緣滲斯遊不屢尋老
境恐遂寔窺樽有餘波捫腹猶可飲澹澹如曉色
渺渺長空浸常憂景過清淨雲忽飛諧酣歌金石
號慷慨君獨任俾予酬對之抵作寒蟬禁吾惟善
吟臺忘形卧相枕

有懷

溪石磊磊出溪光
失溶溶呼童理新堰
小駐萬折東素杙
競駢立蒼皮堆已重
誰栽一道天忽墮
顧眄中遠淥送鳧
餘茲上杉松微波
且勿搖照我澹有
容炎曦為變色爽
氣排高空懷哉所
親愛此滴未遽同
徜徉孰為伴惟有
溪頭風時來翻素
書頗似驚我慵騷
騷復策策涉獵味
正濃久而寂無聲
無乃意自融卻泛
碧滄浪鱗鱗散遺
縱我亦隱几酣那
能辨雌雄

早飲

紫葭百枝蔭方塘
高梧老柳蒼兩行
輕烟曳組

寒碧美蕖釀出秋風香
宿醒縈胞殊未快衝之欲
引天潢派戲投小餌向深淵
錦鱗忽見空中挂
翳清繪雪更作豪坐客狼狽已
半逃嗚嗚叢歌猶未徹
兀臆聽作蜩蟬號

次致明泉石軒詩韻

天懷迥與塵隔
背蓬萊屢踏金鼇背
閑披白袷過清湖
爽氣涵空渺無外
澹然愛此一泓奇
散髮逍遙漱華滋
尚嫌林影太凋薄
斜陽射破碧琉璃
遙知宣室虛前席
良裘固非一狐腋
他時歸夢想南飛
瓊詞已為磨崖石

借致明玉槌事藥復以小者易去因而銘之
潤色瑳癯身脩飛石塵供藥裏以小代大無不可
汝雖眇乎寔磊砢摩頂至踵輔衰我彼方歸卧留
莫果魁梧之才用則左嘖然長嘆口侈哆

寄魏元履

世情事虛文十幅了一書片言倒肺腑子獨不佞
予班班眼中秀學膽誰似渠平生幾兩屨踏破半
斗墟小言謁侯門大言叫天都歸來關存室默坐
追亡通牒頭著韋編盤礴萬古初時拈紙上語破
的妙有餘已甘耐對難舌本噤不舒矧予在半流

所見方模糊端足不自潤詎敢相露濡人生強多
知於已固已踈曠遠遺太極意上町六虛獰猿繫
尚跳况乃拊檻呼是神非吾神濳穢政可奴嘗聞
不遠復佩作三字符煌煌杏壇春一枝明清湖峰
蝶未全知佳處自不孤惟子先著眼時來採芳腴
何當共叩微歸性有順塗

新涼

新涼為招客勝集非預圖前峰雨未散冷風遠吾
廬披襟沐清駛合席隨露濡定知喧譁中欲此一
快無興來橫以酒草具來須臾田翁偶過我添杯

坐其偶為言秋暑劇稻畦日凋疎寧辭抱甕勞僅
給園中蔬喜茲甘澍足普潤無遺墟達山莽難分
綠浪搖虛徐我病不任耕歲收仰微租蒙成每自
愧一飽便有餘連觴使之醺醉語雜呼野人無
他腸我輩恐不如

吳傳朋遊絲帖歌

園清無瑕二三月時見游絲轉空闊誰人寫此一
段奇著紙春風吹不脫紛紛糾結疑非書安得龍
蛇如許癯神蹤政喜縈不斷老眼只愁看若無定
知苗裔出飛白古人妙處君潛得勿輕漠漠一縷

浮力道可墨千鈞石矐予弟兄情不忘軸之遠寄
悠然堂謝公遺髯凜若活衛后落鬢搔人光翻思
長安夜飛蓋醉哦聲落南山外亂離契濶三十秋
筆意與人俱老大政成著鄜明河津外家風流今
絕倫文章固自有機杼戲事豈足勞心神傳明王
逢原外甥也

次友石臺詩韻

清湖嵇玉山縹緲飛雙屐冷風隨處流三伏無赫
赫未成玄圃遊聊醉端州宅憶昨陪初筵杯搖劍
峰春杉篁漏疎掃雲氣縈長帶主人意彌厚不吝

園蔬摘我亦洞幽懷酒此一泓碧至歡召融融叢
慮消刺刺聽君誦九流浩若崑崙擘摩天俊鳶飛
響澗鱗魚擲分攜今幾時浮埃翳瑤席有如爛柯
翁萬古逢一奕醉鄉梯磴坐坐覺乾坤窄茲行不
果從兀兀恨滋劇未應柳源近終作桃源隔留詩
友石臺光動嶙峋令正石謫仙來著語無以易強
吟意悠哉追風了無迹

胡明仲羅養蒙為悠然集追用

筠州喜陪咲語新鑿坡自来清湖濱更招明月作
三客此外正復難其人瑤觴十飛才小醉追逐牢

愁出肝肺吾儕邂逅非作豪常恐真歡來不繼更
闌已審四疊歌卻喚輕舟浮綺羅一聲橫笛不知
處荷氣苒苒風頭多玉山未倒誰之耻霜露露衣
聊且已維舟落月界平潭翠亂紅披扶不起

十七日集清湖

石堤蟠素虬捍此百尺灣臨灣喚客飲四座搖潺
湲殘歎紅蕩析凍若超塵靈卻愁涼吹多奪我酣
醉顏時方雨聲斷草木淒餘潛潤氣騰晚水浮嵐
撲秋山領略得妙趣心遊勝躋攀那知百年憂共
樂此日閑篝燈夜分歸危膝轉彎環芊芊稻苗風

綠亂不可刪不礙一月流水在走其間慙慙傍扶
輿宛君送我還

曉起聞明仲謁家叔嘗過門追已無及繼續讀

觀霧長句因次元韻

公才凜若干將鑄膽落詩流失輕倨弄毫邂逅即
揮竒造化玄機悉披露凌晨訪客忽飛筇雙澗徐
穿碧交互咲聲只在竹林東夢破急追無復處是
時秋霧三山空潤氣一解驕陽怒霏霏半掩景賢
峰翳翳全沒屯中樹初疑爭先摩手玉壘驚塵漠漠
葉乾渡又如懷渴望梅林細雨濛濛江左路煩公

一吐胃中豪與此氣氣用就鷲可憐南山玄豹姿
終以班班作身誤何如雲霧隱長暗然豈用毛采奈
天嫖雲濡稻壘更替珠聯絡松崗尚橫素南箕忽
哆遂權吞顧恥悅若南柯寤向來昧昧六合間日
月山河但如故世緣所遇孰非虛不具真眼那能
覷醯雞鑿裏有全癡陷虎機中惟一悟我雖不獲
從斯遊兀坐深觀亦同趣况知陶令有名酒未覺
許詢無勝具便思追逐胡公墩恐激長言又生怖
願低筆力許我陪韓孟才懸心亦照句

觀胡文定公手墨因求別本

温温文定公至道夙所欽神迢雖緬邈餘英壯儒
林正容閱真翰默默流至音不事入法竒天成寫
幽襟有如瀚海鴻隨波自浮沈又如太虛雲舒卷
杳莫尋乃知晉魏還筆端有生淫弃藁競翰藏非
將玩球琳庶幾字畫間可以求其心清伊一派流
匯作萬丈深溝渠有暴盈與湜時見侵投膠了不
難公以獨力任我慚步趨晚悠然寄孤吟流風在
目前著鞭要駸駸願分墨本餘刻之蒼崖陰大塊
有動搖斯文無古今公帖云世間一切如流水淨
雲所過者皆不足留胸中

寒中偶書

寒從何處來凜色照閩楚挹之雪和松下清澹不成
雨家生小病之一咲窺窠宇天轉隱江湖吾心正
如許

病中追賦遊武夷

建水日夜淺清灘自迢迢漁舸得已無忽點淨練
遙老身寄其上兀若樓危若松風知我狂隨舫助
傾搖探幽神益新得快意自消長林翠洞口微雲
粉山腰那知碧虛遠一葦卧可超不須換吾骸吾
慵登岩堯病中追餘觀所得以富饒換

病中賞梅贈元晦老友

屏山集卷十四
十四
梅邊無與談。賴有之子至。荒寒一點香。足以酬天地。天地亦無心。受之自人音。韜白任新和。風味要如此。

次韻致明聽琴 病中作

病翁不咄咄。琅然寄枯琴。心無枯琴寄。孰表吾之心。形忘豈知病。道在寧復。龍蟠老樟下。甯發搖長音。

過鄴中

逐麈營營一夢驚。事隨流水去無聲。黃沙日傍荒臺落。綠樹人穿廢苑行。恨分香憐晚節。勝游飛

明
蓋想高一作情 我來不暇論興廢。一點西山入眼

屏山集卷十四終

西
楚
高
一
升
計
殊
來
不
難
歸
與
蔡
一
塊
西
山
入
眼

屏山集卷第十五

詩

金陵懷古

荒城莽莽蔽荆榛
虎踞龍蟠迹已陳
赤壁戰爭江
照晚青樓歌舞鳥
鳴春十年王氣雄
圖盡一壘寒
笳客恨新折
殺風沉猶可想
只此一高卧豈無人

會兵

羽檄西來趣會兵
秋風胡虜更縱橫
烽明石山領塞
垣迥馬渡分河
波浪生使者謾
得蘇武節君王
頻
幸亞夫營百年信誓明如日
何事紛紛起戰爭

別安子允

得酒猶堪慰倦遊長亭直為故
八留煙塵幾處兵
猶關風雨一年春又休尚記虎
頭初擲筆終憐猿
臂未封侯離歌唱落榆關
一作城月可是君心耐得
愁

望楚

客浦舟凝滯凭高識楚鄉有秋
開眺覽何地不淒
涼草木詞人怨江山霸主亡
悠悠然獨搔首暮靄一

星光

井泉

石井水濺濺寒莎映碧蘚雨聲添溜急天影入波
圓曉汲連山寺春耕潤野田杖藜三噓罷毛髮更
蕭然

巖桂

涼颼振遠村寂寞度清芬山路不知處
月窓時夜
聞孤根寒抱石落子半飄雲袖手空延佇無才可
賦君

園蔬十詠

茭白

秋風吹折碧削玉如芳根應傍鴛池發中懷灑墨

痕

芋

分得蹲鴟種連根占地腴曉吹黏玉糝深碗啖模

糊

韭

肉食嘲三九終憐氣韻清一畦春雨足翠髮翦還

生

瓠

溉釜熟輪囷香清味仍美一線解瓊瑤中有家人

齒

芥

葉實抱芳辛氣烈消煩滯登俎效微勞乍食驚頻

曠

菘

周郎愛晚菘對客蒙稱賞今日展喜薦新小嚼冰霜

響

波菘

金鏃因形製臨畦發永嘆時危思擷佩楚客莫紉

蘭

子薑

新芽肌理膩映日淨如空恰似勻妝指柔尖帶淺

紅

蘿蔔

密壤深根蒂風霜已飽經如何純白質近蒂染微

青

苦益

雖無適口味暖益功稀比菜苦不登盤言中多遜

耳

次韻盧贊元喜雪

六花初逐曉風繁五袴那憂歲晚寒杖屨客迷村

徑遠笙歌人在小樓看也知近郭梅將動只恐行
春路未乾投簡梁園休惜醉銀臺列燭妓圍寬

府會次士特韻

夜宴芙蓉苑華燭影光史君頻會客侍女慣新
妝劇飲不勝醉論詩非所長倚欄霄漢近宮殿鬱
相望

次韻士特贈別

客舍愁分袂梅花小雪前夜看牛渚月春別剡溪
船麗句光行色悲歌慘別筵後期相約處雙闕五
雲天

訪士特舉和六四叔詩因次韻

聞道歸舟泊淺沙
籃輿出郭日初斜
初斜新傳賦詠來
梁苑舊識芝蘭向
謝家遣興只憑樽
有酒感時愁
見樹飛花相逢未
款還相別回首長
亭鬢欲華

分韻賦古松得青字

風韻颯颯遠更清
蒼髯瘦甲聳亭亭
連根欲闕巖巖巖
巖巖力一蓋常涵
雨露青曾映月明
留鶴宿近經雷
霹帶龍腥衰殘愧
我無仙骨願採流
骨慰暮齡

六言二首

鼎食鼎烹謀拙山
南山北興長片夢
彭殤壽夭一

枰漢楚興亡

黃卷篋中昆友白
醪杯裏聖賢我
頭長閑足矣人
憐獨處蕭然

池蓮四詠分韻

葉

郁烈香浮雨團欒
綠蔭波近堤千葉
亂知有畫船
過

花

孤紅低映岸併豔
遠連汀露浥層層
展風披葉葉

零

藕

密蘊羅文細明含玉色清冰盤時薦美刀惹斷絲

輕

子

分房圓戢戢弄色翠娟娟摘實憐空葯方知雨露

偏

雨歇

雨歇長虹淡欲收踈踈寒靄暮依樓西風滿院催

搖落已覺梧桐不耐秋

新灣

舟寒生水面煙吳歌唱罷月微偏停橈又向灣

前宿一夜西風浪打船

汴堤

參差歌吹動離舟宮女張帆信浪流轉盡柳堤二

百曲夜橋燈火看揚州

天迥

天迥孤帆隱約歸茫茫殘照欲沈西寒鷗散亂知

多少飛向江頭一樹棲

葉集之舉士特唱和因次韻

今山集卷十三
漂泊分攜後
躑難會面時
夜燈初獻酒
春草舊題詩
游宦君雖厭
才名衆所期
不應如倦翼
寂寞戀南枝

銅爵

金碧銷磨瓦面星
亂山依舊透宮城
路人休唱一臺曲
臺上而今春草生

中渡

渡南渡北是長亭
沙上行人立馬情
回首若無煙樹隔
只應猶望見高城

江上

江上潮來浪薄天
隔江寒樹晚生煙
北風三日無人渡
寂寞沙頭一簇船

送曾彥思減罷赴闕

馬首成南渡
西風木葉疎
去程煙雨外
孤館別離初
未試平戎策
空懷逐客書
漢皇方問賦
誰復薦相如

過楚懷王廟

割據銷殘運并吞
息戰塵遺民猶憫楚
三戶欲亡秦
念昔懷王立潛圖
霸業新降顏
欣接士薄伐
屢窺鄰慷慨心何壯
躑難勢未伸
干戈憐暴骨
玉帛

更和親末路人多詐輕謀禍及身單車行凜凜伏
甲變逡巡鹿走章臺下龍沈渭水濱素棺歸慘淡
故老恨酸辛歲月今何在興亡迹已陳愁陰生古
廟翠蔓鎖重闈有客投清醑臨江憶放臣聽讒雖
主惑多難亦時屯憤氣摩星斗哀詞動鬼神飄零
瓊玉佩寂寞蕙蘭春毀譽千年定窮通一死均招
魂嗟已矣抱石想漂淪戀上空回首行行欲問津
潛然憂國淚今古獨醒人

雙廟

無復連雲戰鼓悲英風凜凜在雙祠氣吞驕虜方

張日恨滿孤城欲破時幽鳥自啼簷際樹夕陽空
照路傍碑平生不作脂韋意倚棹哀吟兩鬢絲

一樹

一樹梅開早清未自襲客衣夕陽蕭鼓散半是折殘

枝

偶步

偶步忘歸遠心閑逸興增山深知有寺路盡不逢

僧

離居

馬嘶何隴暮有意念離居去路經秋雨行裝一擔

書窮知身計拙病覺世緣疎曉枕殘歸夢翻然憶
舊廬

有感

抱石親征澤潞時艱難猶想舊開基官軍不守河
陽渡回首橋山淚欲垂

程嬰墓

停車莽蒼認孤墳烈烈英標尚想存已脫遺孤安
趙氏更輕一死報公孫荒林雀噪風常急古道人
稀日自昏惆悵九原如可作欲憑楚些為招魂

晚宿

石瀨分流小霜林間樹紅暮橋橫隱約寒鋸響丁
東

畫船

隱約菱歌斷斜陽水面移美人貪照影不覺畫船
歌

宮亭湖

近湖黯黯氣常寒指點宮亭渺莽間素色夜浮全
楚月綠光春漫十州山醉思天末騎鯨去老怯風
頭聽鴈還柔櫓聲中知禹烈愧無椽筆畫屏顏

安仁道中

汨汨復汨汨著鞭雞一號老身緣底急長路只徒
勞石亂春谿惡山深曉月高村沽得微醉猶足張
餘豪

醮醮

顛風急雨退花晨翠葉銀苞照眼新高架攀緣雖
得地長條盤屈揔由人橫釵素朵開猶小撲酒餘
香韻絕倫唯有金沙顏色好年年相伴發殘春

夜坐

客裏敬為秋晚慵眠但曲肱夜闌深院兩人過隔墻
燈遠思千端惡寒威一倍增夢孤渾易破哀折故

登登

靖康改元四十韻

肉食開邊釁天驕負漢恩陰謀招叛將喋血犯中
原飲馬江河竭鳴笳宇宙喧氛埃纏帝座禦偷吠
宮垣鼓銳梯飛壁彎強矢及門黔黎驚為瓦解冠蓋
盡星奔走轍秦城地浮航楚峽村畫堂空鎖鑰樂
府散嬋媛夜詔聞傳璽春王記改元三辰光盡匿
四海浪橫翻伏閤惟群彥興邦在一言雉城期必
守虎旅更增屯龍困雖憂蟻牛羸尚覆豚謀成擒
頽利義可絕烏孫堅壁師弥老窮兵火自燔鈎魚

猶假息幕燕暫游魂懇款情先露誅鉏當定繁橫
磨非嗜殺下策且和番割地煩專使要盟廢至尊
賜弓垂拱殿留宴玉津園回騎桑乾北游軍廣武
源驅馳無立草剖斷露空墳太子悲秦粟明妃泣
漢軒敵情終未測鄰好久宜敦晉趙封疆遠金湯
阻固存短衣求李廣長嘯得劉琨御極朝儀盛臚
傳詔語温神霄分別仗法駕引雙轅內柳東風軟
宮花麗日暄問閭多喜氣簫鼓送芳樽運契天同
力時危禍有根覆車宜自戒曲突更深論落拓江
南士飄零塞北藩蚤嘗專翰墨晚厭屬囊韉拔劍

摩壘懷書擬叩閭蹉跎謀不遂感激氣潛吞野
迥寒烽照樓高暮雨昏望鄉心恍惘憂國涕潺湲
仄席勤諮訪垂紳樂引援鶴鸞方競集短翼待騰
騫

春雨

暝色春朝雨滋榮喜及時雲昏遙莫辨地渴久方
知柳岸游車歇濤江釣舸移拒寒須把酒病骨况
支離

瀑布

路窮巖瀑挂爽氣淨塵紛溜險時依壁源高半隔

雲入池驚練盡觸石聽雷分接勝多山
韶節聲破
蘇紋

海棠花

幽姿淑態弄春晴
梅借風流柳借輕
種直教圍野水
半開長是近清明
幾經夜雨香猶在
染盡烟脂畫不成
詩老無心為題拂
至今惆悵似含情

策杖

策杖農家去
蕭條絕四鄰
空田依壠峻
斷藁布窠勻
地薄惟供稔
子豐尚苦貧
平生飽官粟
愧尔力耕人

送李習四首

結廬空谷抱沈憂
底事軒車肯為留
千里問塗良獨苦
似君須向古人求
聞道華亭已解圍
親朋消息未全知
君歸為遣書來報
細說從初喪亂時
寂寂家園草覆苔
亂兵飛箭入樓臺
丁寧莫斫湖邊柳
盡是劉郎手自栽
搖落難堪更語離
曉風吹月上征衣
送君直到長亭去
隻影秋心尋舊路
歸

劉處士墳山禮亭

風馬雲車悵莫尋
祠亭空鎖古原陰
豆觴三獻禮
經事霜露四時人
子心世盡浮雲同
渺渺名高拱
木共森森平生積
善身徒老賴有家
兒敵萬金

喜誅大將

自提烏合衆南北
久跳梁避事幾危
國專權擬僭
王然臍誅未快
權髮罪難詳
膏血汗砧斧何
曾一作如
酒戰場

疊章

大遣婦心快
愁霖喜乍晴
樹陰迎馬合
波影照人
清不見雲山路
時朗樵斧聲
暮雲偏有意
相伴隔

溪行

梅花

玉骨綃裳韻太孤
天教飛雪伴清癯
林寒疎葉半
開落野迥暗香疑
有無瘦嶺風光仍
似舊漢宮鏡
粉莫相汗驚心
不必臨空樹
一白流空春便一作

詩情向汝知難妙
準擬相對但酒盡

和李巽伯

浦榭冥茫雲山淺
淡中客愁生遠望
春意入晴
空酒憶相如病途
憐阮籍窮慙慙
桃葉句欲和愧
難工

野步

野步忘歸遠春心不自休管弦非老伴風雨定花
雖柳暗深深路溪空小小樓謝娘歌白紵此意可
忘憂

李伯時畫十古圖鄭尚明作詩詩辭多振絕

因為同賦

王猛捫髭

劇談世事灞河濱寺中環姿兩絕倫卻訝秦無豪
傑至坐中捫髭定何人

高陽天揖

川林二女執巾裾長揖高陽舊酒徒不是蒼皇能
後洗濁冠何異昔坑儒

霍光取璽

此郎守節固堪論漢璽飄飄亦僅存周勃取將迎
代郎霍光持去授皇孫

馮媛當熊

婕妤下輦辭榮日馮媛當熊效死時帶礪稱忠惟
一傳宮闈著節有雙姬

李密逐太宗

海內群雄逐鹿時虬髯一見識英姿牖窺已嘆尚

書婦野拜仁主國見

明妃出塞

羞藐丹青關麗顏為君一咲靜天山西京自有麒麟閣畫向功臣霍間

張釋之諫文帝

擾擾推埋偏九原因山獨有霍陵存孝文儉德雖天縱亦賴忠臣效一言

醉山簡

倒載山公豈酒狂群兒拍手峴山旁汗青等是虛耳不把雲臺喚酒鄉

武帝問日磾

漢朝人物盡英奇武帝招延盛一時拒諫不能容汲直託孤何至用胡兒

明皇覽鏡妃子前翦髮

不復青銅照瘁顏老荒從諫若移山只將女子論賢否陶母當時亦翦髮

送原仲之荆南

風急塵埃滿漢關送君行處路漫漫不知爭戰幾時定常恐別離相見難三徑舊遊松竹老五湖新隱水雲寬交朋日覺知音少綠綺從今莫浪彈

和士特南浦詩

羽檄分兵控上流時傳烽火過鄰州樓船半渡旌
旗曉胡馬欲來江上已鞭真浪語幄中借
箸有奇謀吾儒雅有康時意不把詩輕萬戶侯

屏山集卷十五終

屏山集卷第十六

詩

景陽鐘二首

景陽鐘動曉寒清度柳穿花隱隱聲三十六官梳
洗罷却吹殘燭待天明

一刀殘月淡觚稜遙三稍曉色升寂寞小簾風
露冷玉盆脂水已生

春夜二首

葉葉風鳴幕梢梢雨打窓烟銷寒寶鴨膏淺側銀

缸

樓迥星河轉宵殘鼓角催重門和月鎖寒夢透花
面

賦雙溪閣用蔡君謨詩聲字韻

雄觀今古快幽情突兀層樓出市甍二水交流何
處盡孤舟不見山橫丹鑪寂寞仙遊遠劍氣著
條客恨盈向晚移樽話流落可堪時聽鼓鼙聲

泊舟

莽莽荒茨岸回回亂石灘雨寒收市早風急泊舟
難寓縣兵猶鬪乾坤網正寬慙慙囑龍劍莫又對
波瀾

劍潭贈李似表

夜窓把酒對鷺峰分手悠悠各轉蓬
棹相逢煙浪際有家皆在亂離中胡兒久占清河地壯士誰
收赤壁功它日着鞭先後耳飄零不用嘆途窮

舟中寄似表

溪流元自急積雨更兼旬曲渚方移棹高城忽背
人艱難爭避地去住不由身客食憐詩李相期一
問津

次韻張守向往華嚴

淺水荷花開傍橋晚鐘樓殿碧山椒林松遠路行

不徹野鳥避人飛更遙喜有高情共丘壑應須長
嘯混漁樵老僧好事能延客未覺山房苦寂寥

出郭詩呈張守

出郭藍輿載酒隨林邊蕭寺趣幽期雲依石度遙
看夕路遠田分欲去疑落日悲風滄海外黃花翠
竹晚秋時憑詩一寫登臨勝為報壺山太守知

次韻張守壺山詩

松根繫馬望巔巖乘興攀躋不作難日出漸看林
霽散潮來先覺海風寒遙連釣石多紅樹半出僧
煙盡綠竿不見誰雙旌來規撥憶君對酒豈能歡

次韻方學士萬卷樓

淵然推量德為循酷愛收書定可人劉向討論稱
好古退之學問美藏身箕裘有子能傳業俎豆于
今嘆不辰我亦平生譏傳癖可憐朱墨費精神

次韻吳教授題子應山齋

芒鞋竹杖日隨身所向逍遙樂任真強健桂冠非
矯俗榮華得路轉迷人愛山兀兀常心醉與世悠
悠只貌親最晚論交欣得子一樽猶足慰漂淪

張守唱和紅字韻詩八首

午枕回清夢疎林逗遠風茶甌烹葉白果釘剝方

紅小壘常稀訟鄰邦近息戎民謠知善政飲助亦
何功

一卮那惜醉引劒坐生風怒髮冠衝綠憂顏鏡損
紅莫輕秦黷武舊恥漢和戎慷慨今賢守燕然擬
勒功

漂流今海角胡騎忽秋生舊隱懷空翠征途厭軟
紅時平猶倦仕力小况從戎欲遣愁城破須論酒
子功

燦爛燕公筆飄然邁祖風高吟時舉白戲語或題
紅訝敏文翻水誇嚴律比戎詩壇如第將蘇李謝

前功

海濱從蕭索杯盤樂土風郡樓山向北村塢樹青
紅玉塵啜夷甫牙籌陋阿戎王侯真夢耳穴蟻更

論功

微吟時擁鼻蕭洒晉人風客至添樽綠官閑省印
紅易徂嗟歲月迭盛嘆華戎願草浯溪頌中興且
暮功

斷虹明晚井烟靄半隨風岸柳霜收綠庭榴日食
紅酒酣腸有海寨戰手興戎賡唱逢勅敵方知比
興功

濟難資長策常懷國士風秦強因將白魯弱更蒐
紅嘆已懷孤憤憂時詠小戎儒冠須勿溺邂逅亦
成功

次韻張守述懷

避地漂流更海隅一身難料豈知餘晚樓獨上非
吾里幾日西來絕羽書虜未息兵由運數力難康
世味孤虛郡侯愷悌憂民切魯史無因諷失魚
同張守謁蔡子強觀硯論琴偶書

共造中郎室明窓玩好竒硯珍鑄子石琴古斲孫
枝篆鼎飄香遠茶甌轉味遲自慚塵土累清話得

初時

次韻林吉甫遊天宮

聞說星郎隱翠峰鸚鵡回首大明宮倦游壯歲拋
朝紱歸夢清江憶釣筒賢聖相期黃卷裏是非都
付濁醪中更聞蓮社多幽侶我欲時來問苦空

莫田

打麥蓬蓬響莫田兒童拾穗嘆爭先市頭米價新
來減一醉毫甌五六錢

石磨

盤石輪囷隱澗幽煙籠月照幾經秋可憐琢作團

團磨終日隨人轉不休

寒澗

林間幽鳥啄枯槎落盡寒潮一澗沙
獨木橋西游子宿酒旗斜日雨三家

秋望

輝輝江日已沉西隱約餘紅泛渺瀰
却上松岡望秋色偶逢僧話立多時

兩山

渡南渡北兩山遙隔岸行人手可招
日暮海門煙雨黑一川舟楫趁歸潮

游儵

禹鑿天門浪渺茫游儵也解化龍翔
風雲得路紫頭角歲旱爭尋窟穴藏

和徐從道韻二首

高軒遙肯顧掃室慣逢迎酒喜頻中聖
官慙四至卿憂時論曲突感物詠長檠
古道難開口微君孰與君

拂袖歸來日柴門稚子迎貧甘守藜藿
名不愧公卿寶劔空藏匣良弔惜解檠
中興誰草詔君盍在承明

蔡子強挽章

擢秀詞林少也奇星軺榮耀更分麾世傳清德名
方盛生不長年理可疑蘇晉逃禪心淡泊孔融好
客酒淋漓眼看玉樹埋塵土零落交遊我獨悲

聞笛

倚樓何處笛飛響徹雲霄曲怨吹難盡風回聽忽
遙戍兵臨絕漠閨婦起寒宵一弄梅飛雪華年鬢
亦凋

投壺

暇日賓朋集投壺雅戲同傍觀驚妙手一失發前

功禮盛周垂憲詞奉晉起戎區區論勝負轉眼事
還空

思賢堂懷薛令

創始人何在空堂草棘侵衝門狐竄急穴柱蠹歲
深羽化王喬烏塵昏子賤琴獨嗟民困甚誰繼昔
賢心

燒

惹草焚焚焰隨風烈烈聲欲臨橫澗斷忽上晚風
明蹠蹠無潛迹蒙茸有怒生尚餘飛燼煖培耔及
春耕

潮

江晚潮風應蕭蕭百里秋寒聲初戰峽怒力暗移

洲卷一作岸舟航盡涵空日月浮吳兒輕逐利亡

命雪山頭

洛陽橋

跨海飛梁疊石成曉風十里度瑤瓊雄如建業虎
城時勢若常山蛇陳橫脚底波濤時洶湧望中煙
嶼晚分明往來利涉歌遺愛誰復題橋繼長卿

途中

小市猶依海橫橋欲跨汀雨餘榕徑冷春晚芋田

青薄宦低豪氣浮生惜壯齡急流歸亦好憂患飽
曾經

次張守韻四首

久分閩郡竹屢賜漢庭金才刃斲新發恩波海並
深寇銷乘間禍民有不欺心祇恐鋒車起雲霄路
莫尋

促席山堂夜寒燈吐碎金酒分鄰甕美粟爆地爐
深踈頗難堪事紛華易壞心自憐貪寸祿鬢鬢老
侵尋

瓦白霜封縞波清月漾金拆沈秋壘靜人語夜堂

深故國歸何日寒衾事滿心庭松憐手值擢幹已
彌尋

泣懷三獻玉廉拒四知金勢利焚和猛詩書汲古
深貴無長得意閑有自由心响屨丹砂在盟寒儻
可尋

同李漢老登高齋

飛梯百級轉層巒政喜登臨著眼寬海上波濤連
閩苑日邊塵土暗長安亂來世事終無定春盡羈
愁豈一端賴有謫仙能喜客時陪杖履得雄觀

過舟峰菴

杖策到舟峰開軒對綠叢
蓬鼓角譙門日鷲花正已風逢人相借問何地隱
龐翁

悼李奉

選拔由親衛時危遠出征氣驍嘗忽敵身歿始知
名故妾辭空帳殘兵隸別營傷心豺虎窟冒險爾
何輕

聞韓侯至

今代淮陰將宣威聲海東夜營兵氣黑寒磧戰聲
雄有寇常親討無官可賞功心然沈鷲貌識汝未

侯中

次韻張守梅詩

破雪梅初動南枝更北枝傍誰應折盡背日較開
遲曉角驚殘魚卷愁占兩眉狂風將落葉故入畫
樓吹

次韻陳成季郡會

疾雨狂風恨若何芳晨坐覺等閑過惜花意欲春
長在對酒年來飲不多雅會欣明叫珠履集新詞好
付雪兒歌風流閣老推前輩喜各溫顏似醉醅

古松

手值知何代樛樛萬蓋齊韻清今易寫幹直鳥難
栖慘淡連雲塢翳翳曾蔭石然列明雖小用曾照路
人迷

出郊

路轉襄山北扶輿憶舊過乾坤征戰久遊宦別離
多瘴樹餘紅葉春江又綠波平生豪橫氣未老半
消磨

偶書

風急胡塵暗九州岸中長嘯一登樓故園卻憶桐
孫在薄宦端為恙子留胡海以南兵尚闖犬戎不

死禍難休似開推較比日飛將
血有清談謝傳流

送惠州史君范智聞

喜聽清談滿座傾不堪行色
孤雙旌長亭把酒分
攜易暮角催人太瘦生地遠
臣知妙選時危壯
士耻南征羅浮說與潮陽近
血擬離騷第二英

柳

體為常輕定復飄間奔遮木
春鏡別離處處添
愁色風雨年年換舊條拂瓦
枯陶令宅泐溪不
斷灞陵橋淒涼又見千門綠
一老當時恨未銷

鹿鳴燕詩送諸進士

講藝欣聞暫息兵槐花秋晚詔群英
胡塵不隔路
宮路鏡水初題鴈塔名禮盛邦侯開宴豆道隆鄉
老幸簪纓更期妙手皆穿的薦士吳僚亦與榮

至日

客中雙髮老塵埃海角仍逢至日來
近臘風光初
染荔新陽氣力僅浮灰豆糜厭勝憐荆俗雲物書
祥憶曾臺搔首故園心欲斷少陵賴有掌中杯

曲倚

器成因揉木偃月勢相侔適用形雖巧論材性本
柔倦凭觀秘籙趺坐接禪流莫效愚溪戮時多曲

似鈎

宵長

宵長慵早寐念念客愁新燈影明高屋蛩聲動四鄰
滿懷平日事雙鬢倦遊身避地從漂轉西風羽檄頻

試弓

結束擬從戎秋堂試寶弓角寒開拒手弦勁響流空
巧習穿楊技神誇飲羽功挽強吾有待狐兔莫爭雄

次韻張守梅詩

草棘蕭蕭野岸隈暗香消自心已傳梅雪欺籬落
難認暖入枝條併欲開愁心天涯今度見老隨春色
暗中來似聞詩社多何處盍試招邀共一杯

次韻張守立春

把酒酬佳節遨頭樂未央池水猶溢舫岸柳已籠
牆曉院簾幃卷春盤餅餌香慙分彩勝為掩鬢邊霜

九日登北山

戲馬英雄安在哉閒因九日上崔嵬步窮巖壑身
忘倦望盡乾坤意始開已向晚風伴落帽可無新

菊共浮杯佳時及早須行樂老境侵人吐吐來

荔子

挺秀窮荒嘆未遭昔賢吟賞著風騷縱班盧橘材
非偶不近長安價愈高烟雨萬珠遙若盡塵埃一
騎笑徒勞凋盤此日無遺選品格妍媸敢自逃

龍眼

幽林旁挺綠婆娑啄啣雖微奈美何香剖蜜脾知
韻勝價輕魚目為生多左思賦詠名初出玉局掄
揚論豈頗地極海南秋更暑登盤猶足洗沈疴

次韻張守除醪二首

榮華休羨黑頭公且對芳辰嘗麗叢十萬青條寒
料雨三千粉面笑臨風莫將擬雪才情賦盍與觀
梅興味同只恐春歸有遺恨典刑猶在濁醪中

刺東霜凝懸嶺覽
香薰滿濁醪中

退食黃堂喜自公不妨幽興囑芳叢雙旌不出閒
春書大筆微吟綴祖風老矣交朋今日少飄然游
宦異鄉同杖藜約我過南浦賢聖時時為一中

荔子

炎蒸午枕夢滄浪落落星苞喜乍嘗筆下丹青千
品色釵頭風露一枝香雞冠借論何輕許馬乳爭

名園不量直待當時妃子笑驪山千古事淒涼

韻有叙

次施子韻

之子才非碌碌派一官將母海濱遊妙齡意氣看
長劔久客風霜嘆敝裘完璧有懷空慕蘭著鞭它
日定先劉岫窓故隱今何在草棘連雲淮楚秋

次韻張守秋懷四首

杖藜乘興出佳處每關情白石溪流淺黃花籬落
清林烟經雨薄野日傍山明賴有杯中物愁懷得
暫平

徙倚山堂晚悲秋萬古情雨蔬猶擢秀風沼自揚
清野迥歸牛小沙寒白鳥明淒淒楓柳樹汝意亦

難平

失計縈塵網栖栖厭不情興隨鳧鳥遠官比綺曹
清大案高編古深房紙瓦明聖賢聊晤對事業只
平平

歲事何倉卒微吟寄客情野耕方刈熟鄰釀已沽
清歸鴈年年急寒烽處處明平衰憊
轉夢想玉

階平

屏山集卷十六終

屏山集卷第十七

詩

次韻蔡學士巖柱

才應擣藻大明宮戲詠巖花屬意工
酷愛清香凌鼻觀更欣佳句愈頭風
移來已覺池臺勝賞處何當杖屨同
不解小山招隱意巖幽歸夢遶青叢

得冲佑命

幾年歸夢水雲間
猿鶴重尋已厚顏
慚愧君恩猶竊祿
官街新帶武夷山

與温其對榻

細雨南窓夜青燈對榻眠升沈嗟薄宦聚散忽流年
失路誰推轂他時看著鞭竹林須款集君亦暫
留連

和士特栽果十首

桃

手種桃花滿北山花紅豔豔照春灣不知何代見
孫老却見漁舟乍往還

李

仙枝移傍小巖幽答遯名推第一流曾向清波
寒碧甘水五色但輕浮

梅

園林漸見綠陰濃漠漠輕烟細雨中底事望梅能
止渴惟應萬想先來空

橘

南北由來地氣偏凌寒松柏但蒼然踰淮種橘今
為枳豈比中人性易遷

櫻桃

一樹含桃火燦空而今春馭隔離宮只應壯士憂
時淚洒向枝頭點點紅

正備

長榴結實熟... 長質金房玉... 霜染茜容萬子同胞無

棖

棖橋甘酸各效... 錫貢不同升果中亦抱遺

不美有客攀條... 膺

枇杷

高斜金九綴... 根漢苑識風流也知不作清

... 腐那... 三

來

... 誰徒向天涯好尋青李相

遮映風味應同... 少家

榭柿

秋林黃葉晚... 霜嚴熟蒂甘香味獨兼... 傘頽虬浪... 衰拂風標那似邑中黔

與原仲至交溪橋

倦憇春橋午... 回環翠碧重... 亂溪流背海新柳色欺... 松厭市常思野為官不及農... 喜逢湖上客談話得... 從容

山源

汨汨山源水分流去若... 馳有聲知尚淺得勢轉沮

年

三

卑葦棘連荒浦魚蝦聚小泚
起予湖海興惆悵念
前期

春望

杳杳盡寒色乘高望更迷曉
晴山氣上春漲野橋
低幽鳥啼無伴閒花發欲齋
幾多沈寂景醉筆為
提撕

書齋十詠

筆架

刻畫峰巒勢尸功翰墨餘
俗念閒晝永高卧數中
書

剪刀

錯落雙刀合品心百鍊光前
裁皆在乎終不露鋒
銜

喚鐵

號令行惟信人誰不我承
驟烽諸國叛敲鐵小童
應

紙拂

拂兒鐙草創日用最相親
苴遣維摩室潛生度亮
塵

圖書

慚非蘇子佩柳置簡書間尺
牘予慵理何勞汝汗

壓紙獅子

鎮浮頰假重刻石作後貌偶以形模好兒童競見

界方

抄書防縱逸界墨作遮闌妙心誰能識端筆自

硯瓶

小瓶防硯渴堯瑄自良工懷心清誰見聊憑一滴

通

燈檠

代木收奇幹安燈創小檠勿誇能自照得助益高

檮案木

匠餘留片木檮案定欹傾不是乖繩墨人間地少

有酒

誰家好事許相過有酒何妨醉面酡兄弟偶同詞
館逸林泉偏傍故園多晨鍾爨趁伊蒲飯晚艇時

聽款乃歌莫遣是非來到耳只應愁睡奈閒何

過東陽

小箔鳴機幾萬家時清猶想舊繁華樓臺夜映雙
溪月簫鼓春迷後坂花回首十年真夢寐停驂四
顧但風沙却過蕭寺無人語獨對枯林數暝鴉

題蓋竹廟

雙猿嘯月寒巖幽陳侯故家官渡頭陰陰老木旆
旌暗渺渺驚灘雲霧流九旅已荷本朝渥三鴈更
忻同日侯我來瞻拜恐遺直嘆息此道今悠悠

遊北巖

濺濺小水暗通池熠熠高花亂出籬知有精廬渚

寂寞一作更忻蠟屐共襟期一作赴茗芽未辨三

湯試麥餅先嘗十字欣幾許幽竒待知己品題政

在一篇詩一作接勝一作無餘一作為題詩

訪原仲

布衣自昔有遺才白首窮經隱澗隈門掩青山朝

暮色客來濁酒兩三杯鴻冥豈復驚塵網鷄薦鹿

聞達帝臺我亦放情依一壑雲間杖履喜相陪

北風

鴈起平沙晚角哀北風回首恨難裁淮山已隔胡

塵斷汴水猶穿故苑來
紫色蠅聲真倔強
翠華龍袞暫徘徊
廟堂此日無遺策
可是憂時獨草萊

同原仲茂元致和入開善

寒聲蕭蕭霜葉秋
石路硠確穿林幽
雲橫遠岫若平斷
風約小溪如倒流
偶經名藍亦終日
喜有勝士同茲遊
移床果茗吐嗟辨
曳杖欲歸仍更留

原仲温其彦藻彦符致明集敝廬

清樽勸客且留連
亂後相從亦偶然
二徑生涯鄉社裏
一秋心事菊花前
向來憂喜皆陳迹
老去光陰逐斷弦
懷抱故人今有幾
只因情話可忘年

向天竺寺

從臨鑿去身疑在畫圖
林陰穿欲盡
山鷲近還無
下榻聊盤礴
裁詩屢嘯嘯
嚅道人留客意
片月出雲孤

山館偶題

水遶山堂竹映橋
偶來塵意已潛消
最憐曉日浮波影
滿壁煌煌玉電搖

悠然堂和致明絕句

清霜一夜倒薰葭
放出湖光徹遠沙
漠漠浮煙收欲盡
晚風輕浪蹴銀花

雜題四首

積雨生秋意浮陰放晚晴鐘聲寒野迥橋影小溪

清

殘霞銷暝色新月長圓輝黃落樹滋本夜眠人息

機

簷溜停清瀉林聲息怒流水平秋色遠山帶夕陽

高

宿鴈猶驚渚昏鷓已著林野平雲散亂江動月浮

沈

道中

微風收宿靄細路遶平阜石亂春溪急山寒曉月
高鳥聲時出樹花氣欲侵袍行役兼清賞驅馳未
覺勞

次彭資深韻

林下相從多勝友誰如吾子妙才華曳裾所至成
師席射策由來有世家意氣胸中千里駿文詞筆
下九光霞郵亭一見傾懷抱投分金蘭不足誇

奉酬少稷道舊之什

少日胸懷輒自奇與君談笑叩天扉南宮試藝聯
裾出上苑尋芳結騎歸亂後交遊今孰在向來心

事已多違雙魚忽得平安信回首家鄉夢欲飛

宿雲際偶題

穀雨都無十日間落紅枝草已斑斑晚烟未放屋
頭樹春漲欲浮天際山碧千蓋紫風沉遠坂漁舟驚
浪落前灣鍾聲認得林逡寺歲歲籃輿獨往還

贈詹朝倚

之子詞鋒孰敢爭心時云路定飛騰客懷未免悲
彈缺文社遙知真倚朋舊隱生涯三徑菊夜窓弦
誦十年煇長篇寄我情何厚欲和陽春愧未曾

雪

晚天冥漠霰初飛皓皓山顏復水湄莫遣理林生
染汙却憂雲路隱巖危寒侵夜榻樽前覺春入晴
簷枕上知憶得梁園探花早十年淚眼看旌旗

隆祐太后挽歌辭三首

三朝欽母訓四海被仁風倉卒垂簾政艱難取日
功仙遊睽懿範孝慕慘皇衷寢隧休華飾靈輻必
返嵩

謚易徽名正恩加戚屬優素心潛道妙盛化秉坤
柔握璽終存漢為梁實配周願書班馬紀萬古播
芳猷

儉約身為率憂勤壽豈延鐘殘長樂夜日斷泰陵
烟歸馭應奔月餘勲賴補天傷心南渡日一棹瀨
江溪一作船

徐大著挽詩二首

韋經傳素業漢策射魏科史擅三長譽書讎九寫
訛醜塵終寂寞雲路久蹉跎迅景崦嵫迫知君恨
獨多

方同傾蓋樂遽起絕弦悲道向清朝屈心惟靜者
知阻脩綿酒奠誰序錦囊詩宣室空思賈淒涼又
一時

次韻劉憲詩二首

吾宗三鳳久心降一見端如渴飲江好客襟懷直
絕倒封侯骨相自耆龐知名夙昔慚驚座袖手雍
容笑斲窓豈謂詩盟容我輩啞鐘無韻若為撞
已築高城受虜降盟言端的有如江翠華回蹕清
馳道繡指觀風絕犬龐借凱奏花卿初卷甲詩成
草聖屢題窓還朝有策禪聰聽納諫那憂以杖撞

次韻温其雪

侵凌臘尾近春前凍色真真不見天一洗氛埃終
自潔暗催花柳為誰妍單衣窻窻卷無朝爨垂箔高

門有醉眠聞道江頭消息好玉旌搖幟滿樓船

次韻原仲幽居

貴賤營營各有求柴門晝掩靜幽幽讀書無效空
千卷學稼雖動少一丘感慨舊餘王粲賦棲遲今
倦長卿遊幔亭真失春風約我亦身如不繫舟

次韻原仲竹

夕煙浮野圃春竹過鄰牆石澗深深影風軒遠遠
涼禪心敲有韻翠袖倚生香不有冰霜勁蒿萊到
汝長

書事

三年玉帛走稽山萬騎凌江稍北還絕塞風烟連
魏闕千官戎服立朝班皇圖鳳歷謳歌裏紫色繩
聲倔強間露布更傳原上捷王師早晚下潼關

客路

客路經春雨淹留未得歸徑泥黃染履林霧白侵
衣直氣何由吐愁心只欲飛東風如解事吹夢落
漁磯

哭呂

瞑目荒山裏携家萬里來旅塋猶借地兒哭不勝
哀裂甑妖難測藏舟事可猜大賢應有後天道信

悠哉

贈唐道人

道人山北住鄉曲舊知名語妙初疑簡神藏又益
清夜衾寒楮白歸鳥兩鳧輕心靜皆仙境何勞款
玉京

燕子

燕子何光彩飛飛引衆雛營巢終老草解語只含
胡賀厦恩非淺焚宮禍亦殊寥寥鴻鵠志嗟汝豈
能俱

秋意

又見庭梧一葉飛物華心事兩差池百年未半老
相逼四序平分秋獨悲過岸山川雲漠漠殘燈院
落雨絲絲客懷料理須杯酒笑向窮途定自癡

屏跡

屏跡山樊避世宣晚風落日靜柴門寒泉逸竹通
幽圃小徑穿田入別村散策微吟霜葉脫鈎簾宴
坐碧雲翻閒中興味知何晚絕口名途不更言

哭士特二首

自古才難得斯人又早亡青蠅頻去國白首嘆為
郎不覩遺書奏徒懷挂劔傷楚魂招不得南斗夜

無光

世緒風流遠鄉評譽望清苦心幾傳癖老筆擅詩
名已訝祥占鵬終憐夢泣瓊五峯雲外碧一慟見
交情

讀士特詩集

誰將家集到書帷故喜風騷擅一時快讀祇愁雌
霓誤流傳不但落楓竒唱酬濫許聯東野叙引仍
欣得救之生死窮途天不恤虛名安用日星垂

燕子

燕子營巢得所依銜泥辛苦傍人飛秋風一夜驚

桐葉不戀雕梁萬里歸

下灘

亂石槎牙瀉怒濤滿船性命等鴻毛莫誇好手翻
成誤寄語舟人穩着篙

致明惠蓮菰

玉井初浮翠出禪風漸扇紅開長梯顧我安得淨
社如君盍來

絕句五首

目送孤鴻獨倚樓晚風吹淚更橫流蕉花落處巒
烟碧六十三程是白州

雙魚來自漳江濱一讀家書一愴神見說炎荒風
土惡可無神物護忠臣

干戈擾擾恨何窮南北東西任轉蓬世事不堪長
齟齬宵中賴有氣如虫

喜聞歸騎已揚鑣載酒相迎不憚遙我是武夷東
道主便同蠟屐上宮堯

竹遶茅簷水遶階東風漸欲放春回丁寧紅紫休
爭發待取山南刺史來

寄蜀二首

盜隔枝江遠人來蜀道稀亂離非復昔富貴不如

歸戎馬心何壯家山願莫違阿圓從小慧解嘆白

雲飛

有客傳歸信愁懷得暫寬兒童占鵲喜鄰里借書

看離蜀秋方半浮湘歲欲闌柴門頓洒掃夢想見

征鞍

野墅

野墅驚秋晚殘年忽忽過海潮通井淺林日到窓

多酒盡鄰翁餉詩成推子哦人生行樂耳軒冕奈

余何

秋宵

屏山集卷十七
十四
秋宵如許永兀坐思悠哉手誤挑燈滅情長鼓瑟
哀清號生窵穴皓色轉崔嵬醉覺雄心在流光且
莫催

春圃六言三首

候騎不侵南海好山多近吾廬醒歌醉眠任我朝
奏暮召從渠

又

南堂面山已勝北檻俯澗仍幽千巖莫非石友萬
壑總是清流

又

小涼猶殘柳雪新
酒時須一中

屏山集卷第十七終

醉耕能一中
山氣涼炎咻靈能
...

屏山集卷第十八

詩

汴京紀事二十首

帝城王氣雜妖氛胡虜何知屢易君猶有太平遺
老在時時灑淚向南雲
玉璽相傳舜紹堯壺春堂上獨逍遙唐虞盛事今
寥落盡卷清風入聖朝
聖君嘗膽憤艱難雙蹕無因日問安漢節凋零胡
地闊北州何處是通汗
朝廷植黨互相挺政事紛更屬紀年曾讀上皇哀

痛詔責躬猶是禹湯賢

聯翩漕舸入神州梁主經營授宋休一自胡兒來

飲馬春波惟見斷水流

內苑珍林蔚絳霄園城不復禁芻蕘舳舻歲歲街

清汴纔足都人幾炬燒

空嗟覆鼎誤前朝骨朽人間罵未銷夜月池臺王

傳宅春風楊柳太師橋

御路丹花映綠槐曠曠日照五門開五皇欲與民

同樂不惜千金築露臺

神霄宮殿五雲間羽服黃冠綴曉班詔許群臣觀

受錄步虛聲裏認龍顏

宮娃控馬紫茸袍笑嫩金丸彈翠毛鳳華北遊今

未返蓬蓬良嶽內中

雋擣清香步障遮並址冠子玉簪斜一特風物堪

竟斷機女猶挑韻字

萬炬銀花錦繡圍景龍門外軟紅飛淒涼但有雲

頭月曾照當時步輦

雲芝九榦麥雙歧盍有嘉生瑞聖時王殿稍錫聞

好語時教張補撰宮詞

橋上遊人度鏡光五花殿裏奏笙簧日曛未放龍

舟泊中使傳宣趣鄆王

天麻龍媒十方蹄春池蹴踏浪花飛路人爭看蕭

衙內月下親調御馬歸

盤石曾聞受國封承恩不與倖臣同特危運作高

城砲猶解捐軀立戰功

梁園歌舞足風流美酒如刀解斷短愁憶得少年

多樂事夜深燈火上焚燈

倉黃禁陌夜飛戈南去人稀北去多自古胡沙埋

皓齒不堪重唱蓬蓬秋

河漢如雲掃沈寒登京塞鐵響清宵竹窓驚破高

人夢門外駸駸馬朝

輦設繁華事可傷即亦老過湖湘縷衣檀板無

顏色一由當時勳帝王

長句寄尚明學士

短褐沉潛不近名只今且以樂鄭康成酒中賢聖無

多酌琴裏宮商一弄行松墨放懷新水石烽烟回

首舊蓬瀛四愁不為思且石作懷抱何因得暫平

讀韓子蒼呂居仁詩

詩人零落嘆才難二妙口出流壓建安已見詞鋒推

晉楚定應臭味等芝蘭馮軒意氣慚文呂鳳躍聲

華敢望韓咫尺烟塵不相見它時惆悵隔金鑿

題將軍巖

昔年樓險人何在髮鬢樓臺香霧間事去長空飛
鳥沒時清宴坐一僧閒霜秋石壁黃金樹月夜雲
濤碧玉灣杖策時來訪奇絕漁樵幽興自相關

遊武夷山

回薄湍流漾翠岑夷猶一舸縱幽尋幔亭落日笙
簫遠毛竹連雲洞府似有碧雞翔木杪誰將丹
鶴寫巖陰神仙可學身外多少遊人浪苦心

致中惠水

水晴暑雨亂花飛美實獨煩喜及時蘇并筠籠香

發越金力玉手翠離披侯家昔見連阡盛賈肆徒

誇厚貌奇珍重故人分少意臨風宛若對冰姿

以貌取人時謂如買水惟取大者

得天台命二首

奉祠得請向天台清夢先尋紫翠堆借問劉晨今
在否雲間應見耳孫來

暖風環佩滿芳洲貝殿珠宮憶舊遊此日劉郎心
似水桃花空遶暮溪流

遊密菴三首

半參樵徑繞危岑彷彿精廬若可尋怪底扶筇筋
力健暖風晴日送登臨
病身偏與靜相宜著音悠悠定自凝兀坐南窓了
無語篆花縈處一星移
幽興無邊未遽窮泉聲隨屐下寒空一秋夢桂仙
洲碧盤礴才能半日中

訪原仲山居

寂寂臨湖屋湖風為掩門鳥聲幽谷樹山影夕陽
村好事長留客雖貧亦置樽平生枯淡意去此欲
誰論

與致明對榻

勝會曷嘗遲坦還欣與子同一燈寒夜永殘夢雨聲
中道舊驚才老談玄了性空卜鄰今有約泉石興
何窮

登原仲茅亭

茅簷聊徙倚落日見樵蘇過鴈飛何急寒山遠欲
無劇談容謾叟逸興莫潛夫寸祿甘華髮人生底
事愚

送水與胡原仲

呼兒急走走送筠籃敲暑惟應此物堪一握青瑤含

秀潤滿襟寒雪返清甘
搔園底用修鄰怨剪棘聊
應益盜漸它日儻收遺
辨種離離虎掌偏山南

菊

青叢穠郁早抽芽
金蕊爛斑晚著花
秋意祇應宜淡泊
化工可是惜鉛華
輕烟細雨重咀節
曲檻疎籬五柳家
暮醉朝吟採摘更
憐寒蝶共生涯

黃彦達之衡山古詩留別因次其韻

窮臘冰霜千里客
此行何事更間關
永懷切切關徒酸
鼻無力吹嗟祗厚
以鉛繫一囊身計
杜烽烟匝地世途
艱曳裾端向
臨門去清夢猶
思憶故山

懷遠

樓北樓南烟岫遮
水光秋色澹無涯
風驚枯葦連汀雨
霜著寒楓滿樹花
故人悠悠絕雙鯉
別恨耿耿聞悲笳
索居懷抱向誰寫
古調一吟青鬢華

梨

尚想飛花照綺疏
離離秋實點烟蕪
丹腮曉露香猶薄
玉齒寒冰嚼欲無
舊有佳名留大谷
誰分靈種下仙都
蔗漿不用傳金椀
猶得相知病少蘇

築室

旋翦荆榛出舊蹊
架巖鑿壁啓幽棲
已通鄰園盡

裁竹更搭飛橋南過溪蓮社昔誇廬阜勝漁舟空
向武陵迷宦遊若勝歸田樂肯把軒裳換一犁

絕句送巨山二首

二年寄跡閩山寺一笑翻然向浙江明月不知君
已去夜深還照讀書窓

江邊胡虜年年盛借著應須為掃除聞道漢皇方
仄席不因詞賦召相知

送元仲

惆悵回車不可攀故廬猶得及春還
還知去路風烟好看盡閩山看越山

致中惠瓜因成二絕句

故人夙有瓜畦約走送筠籃百里間
翠甌瓊盃纒一握極知風味勝黃斑

蔗漿溜溜香浮玉蘇水沉沉色弄金
那似其瓜能破渴一盤霜雪沍清襟

勸六四叔卜居

便合誅茅隱舊陂亂來吾里獨熙熙
年豐未黍侵山上地僻杉松傍澗
欹涉世有求俱筭歸田得計莫狐疑
竹林杖屨從茲始二阮風流儻可追

贈王周士

逐客初從瘴海歸平生未識想英奇致身不負管
城子報國聊將雕面兕舌在壯懷猶未已途窮俗
眼少相知虎頭合是封侯相笑挽天河會有時

杖藜

亂後惟憂死無心問歲華故園依草莽今日見梅
花閩俗嘗三飯僧房但一茶海瀕猶未穩更擬訪
仙槎

有懷十首

滿空寒雨雜飛烟湖上先生擁褐眠借問茅齋容
客否夜燈相伴讀韋編

胡原仲

結茅同隱水雲間何日宗車不往還憶得松林馬
嘯罷歸時明月徧秋山

劉溫其

山空墜石咽寒溪雨濕浮雲晚更低不見蕭屯劉

處士年年清夢逸水畦

劉致中

當年冊府仰才華一跌青雲萬里賒白首却來蓮
社裏幅巾緇褐誦楞伽

鄭尚明

風驚枯葦白花浮欲下橫橋晚更留惆悵不逢吳

季子一溪寒水帶烟流

吳公路

青錢學士妙文章便合含毫待帝傍寂寂閩山餘
舊隱憶君時到讀書堂

張巨山

松底柴門盡日關主人西去幾時還長鏡委地黃
精老時有寒猿嘯硯山傅茂元

馬蹴浮埃去路長相逢端欲問行藏未饒赤壁風

源在且向何家醉碧香周元仲

翁侯滿腹是精神三謁金門計未成却跨蹇驢遊

雪上秋風雄劍匣中鳴翁德功

曾訪高入上翠峯至今清興逐松風籃輿夢想行

山處白葛花開細雨中密菴

山寺見牡丹

倦遊曾向洛陽城幾見芳菲照眼新載酒屢穿御

相圃傍花時值綺羅人十年客路驚華髮四首中
原隔戰塵今日尋芳意蕭索山房數朶弄殘春

送六四叔之茶陵

底用忽忽便據鞍離觴縱滿不能懽蕭湘萬里客
愁遠鷓鴣一聲春事闌此去宦遊當益顯時來功
業自非難以聞幕府資音畫好借雄風弄羽翰

蕭屯訪致中

曉色陰晴久未分亂山何處是蕭屯荒荒日轉漁
樵路靄靄烟生桑柘村勝地逢春聊駐馬主人好
客為開樽平生夢想歸田樂正喜吾儕得踐言

李似表見訪

石磴荆藩隱薜蘿
豈知迢遞枉鳴珂
交游奈久如
君少邂逅成權此
夕多千斛敢求身後傳時似表
燕史
一樽聊和飲中歌
雲鵬欲舉那留得
南浦傷心又
綠波

致明携酒來雲際

有客攜家釀
敲門訪病翁
一春寒食過
幽寺晚晴
中嫩竹扶筇綠
殘花蓋地紅
牢愁賴君破
歸意莫
忽忽

次韻六四叔蘭詩

踈踈綠髮覆清潏
漠漠微香起夕陰
無復風流追
九畹空餘烟雨暗
深林誰分秀色來
幽室獨無遺
聲入素琴還似
高人遠塵俗
爭輝玉樹亦何心

讀李忠愍文集

英姿直節想堂堂
不忍偷生向擾攘
二帝蒙塵方
幸虜六臣奉
壘更朝梁
身輕欲抗豺
狼怒名在終
同日月光曾與先君共
褒錄拊編交感淚
浪浪
同唐明誠傳茂元遊
晞真館有詩因次其韻
橘袖垂紅古觀秋
歸途邂逅得尋幽
晴沙散策隨
山遠夜月回船信
水流勝處無詩端
可恨它時有

酒更來遊相陪二妙平生友老矣襟期共一丘

入白水次韻劉溫其詩

南山北山舊經行諸劉相看如弟兄一枰圍棋果
敵國五字琢句真長城濁醪麤飯有餘樂小几踈
簾何太清我來徑醉未歸得卧對屋角巖泉傾

宿士特山堂懷似表

襍破重來宿山堂空宛然池清秋過月林靜晚生
烟仙李朝雙闕詩翁閑九泉無因訪存歿搔首暮
山前

過致思新齋

酷愛鵝溪水潺潺傍馬流落梅寒崦靜啼鳥暮村
幽我病今朝已君家有酒不新齋最奇絕猶得少
淹留

約致明入開善不至二首

喬松翠竹鎖禪關乘興時來興盡還懊恨劉郎招
不得瘦筇獨自入寒山

偶臨沙岸立多時淡淡烟村日向低幽事挽人歸
不得一枝梅影浸澄溪

宿回向寺

清秋聊命駕細雨獨行山淺淡烟雲裏回還紫翠

問病多新覺老心懶舊能閒宿禩山南寺何曾興
盡還

次韻趙清獻陰字詩

石磴雲房隱澗陰昔年清獻此清吟鳳池人物終
難繼花縣風流直到今三尺翠碑遺墨在一林寒
竹暮烟深平生景仰高名久敢負它時直愛心

次韻溫其種竹詩

種竹應須我輩人茅簷對此可忘貧
款風帶雨看無厭淡夜寒綃畫不真
青女侵凌餘瘦節籜龍盤屈更分身
會栽一管招鳴鳳千畝何須羨渭濱

蘇軾次之

次韻溫其見寄長句

拂衣歸去隱巖高世事悠悠亦飽經
午夢溪聲呼掃戶慵夜吟花影轉
懶營已甘衰病安堯壤豈有聲名動漢廷
好事髯翁每相過幅巾藜杖喜逢迎

周元仲將出山有愁別園林後夜春之句因

作此詩留之

山館春來特地幽岸中何日不同遊
花隨石壁高低發水遶茅簷左右流
回我三杯真性適哈臺一枕萬緣休
山中樂事端如許為底周郎不肯留

伯勝文本袖詩見訪輒成長句奉酬盛意
類逐交遊戶畫高客來曳履亦逢迎
舊知吾里多
豪雋親識君家好弟兄
衣芋滿畦聊卒歲
琴書一榻寄平生
驛驢歷塊終千里
俗眼悠悠未可輕

呂尚書挽詩二首

昔在賢關日
雄飛接俊髦
家因登第起
名為諫君
高荷囊論思
舊牙旗出入
勞傷心
泥水變遺恨
激

秋濤

國步多艱棘
忠誠誓翼扶
據鞍方矍鑠
罵賊已含糊
義在光傳史
人亡失壯圖
因公感家世
憤氣欲

吞胡

和丘斯行牧牛頌

軟草豐苗任滿前
蒼然鰓鯨卧
寒烟直饒牧得渾
純熟痛處還應著一鞭

夜涼

茅舍蕭蕭暑雨餘
夜涼清若在
冰壺一窓月上杉
篁影便是人間水墨圖

寄題鄭尚明煮茶軒三首

過耳颼颼未歇裝
懷憤憤俄空
它日寧逃冰厄會
須一訪鬢翁

齏鼎從渠染指
麴車絕念流涎
猶有清饒未已
茶甌日食萬錢

一點春回枯枿
研萬家譟動寒壚
鳳餅龍團王食
傷心半入穹廬

寄題陳良臣頤軒四首

七事疑生何晏
三交夢感虞翻
獨養靈龜不昧
有人高卧頤軒

啼鶻底用流血
渴水猶貪飲河
勿謂山雷象淺
人生口禍常多

竒峯一疊兩疊
亂澗清流濁流
那識高人勝處
聞

然心地能幽

道醇泮宮識面
德潤梓里知名
相從固應未晚
畏君難弟難兄

胡文定公挽詩三首

今代儒林伯
聲名舊藹如
不為簪紱累
常樂燕閒居
悟主承三接
尊王著一書
天胡奪楊維
素業未全據

有意扶名教
躬行語默中
指模陶士器
藥石補天聰
衡嶽鄰新卜
伊川道已東
傳經知有子
接武大明宮

奕葉論深契平生仰大儒淹留趨絳帳寂寞真生
芻忍見摧梁木悲歌碎玉壺尺書垂獎意提耳愧
朱愚丙辰歲蒙公勉
勸賜以手書

屏山集卷之十八終

屏山集卷第十九

詩

徑山寄生子作道服三首

旋裁山蠶作山衣更著芒鞋白接羅自笑支離風
貌野紆朱紆紫不相宜
遠信慙慙到草菴却慚衰病豈能堪聊將佛日三
端布為造青州一領衫
察察休誇綺與紉紉蘭製艾亦良難此袍徧滿三
千界要與寒兒共解顏

清泉亭老寄鼓枕二首

團團敲枕樣新傳竹簟繩床得飽眠耳界若聞聲
外意不須搗擊也鏗然
遠遠一覺直千金雅贈徒知感激深莫道林間高
卧穩憂時亦有枕戈心

贈總上人兼簡無求居士二首

雙徑山中一衲衣曳筇遠遠叩巖扉愧無白壁黃
金贈攜取清風滿袖歸
多謝徽州吳使君新詩問勞意何勤無求已得心
空樂更作無心出岫雲

會蔡子思張叔獻二教授

腰片記追隨物變時移萬事非曉闕風烟胡
騎滿夜窓燈火故人稀中郎秉德無瑕類平子談
經有旨歸獨我衰遲愧朋友蹉跎已覺壯心違

次韻挹山亭張子猷絕句

鶴駕騰空春復秋淡烟寒日鎖林丘夕郎自是金
門客莫更臨風思遠游

遂老寄龍涎香二首

瘴海驪龍供素沫蠻村花露挹清滋微參鼻觀猶
疑似全在爐烟未發時
知有名香出海隅幽人得得寄五三廬明窓小藝如

跌坐重覺曾懷一事無

次韻溫其元日詩

曉來飛雨挾風顛。洗出韶容換故年。花動一紅明
屋角。山寒亂碧到樽前。病如夜鶴孤還警。老似春
蠶飽即眠。賴有故人開寂寞。錦囊詩句許時傳。

呂丞相挽詩二首

黃髮三朝老。勤勞險阻中。十年流馬策。一日斷鼉
功。汛掃乾坤靜。扶持廟社隆。黃溪今寂寞。髣髴見
英風。

慎重調鼎宣威屢。幹方夷吾欣在晉。尚父果興

唐劍佩凌烟閣。笙歌逸老堂。猶聞病乘馬。遺恨隔
清光。

次韻明仲遊北巖

雲巖藏勝絕。何路不潛通。信步迷時遠。冥心樂處
同。亂松風索索。懸瀑雨濛濛。陶謝多清興。招邀有
遠公。

李丞相挽詩三首

委質艱難際。精忠日月昭。引裾堯浸縮。斷鞅虜氛
消。顧眄安諸夏。風聲動一朝。南遷誰辨謗。公論付
芻蕘。

文武中興相名高北斗南茂弘恢遠量安石暢玄
談六策陳舟宸三休守夢菴公所居菴人亡今孰賴
憂國意如惓

賓榻勤初設詩筒辱屢傳一嗟雲霧隔坐閱歲時
遷埋玉俄成恨乘風想已仙公作寄藥杵後賦有
乘冷風而解翔之語

終當挽行紼長慟練帷前
無諸策題問顏亡絕好軻沒無傳

孔林黃玉化飛埃一派淵源有自來具體好時心
似谷厲辭傳處口如雷聞聲盡是緇惟客見色無
非古市槐却訝文公迷聖戶不知靈鑰有人開

次韻黃宰一源亭二首

聞說催耕步澗幽田家喜氣共春浮仁聲似水潛
潛物不作驚人洶洶流

賓榻浮塵拂不開胸中豐恨結崔嵬幔亭雲散天
全露猶想雙鳧化鳥來

翁仁山受恩歸以詩相訪因次其韻

寒壑響葉終日靜剝啄欣聞人叩關一聽清言風
灑座幾回幽夢月沈山遺珠未許留滄海老驥終
聞在六閑獻策明光豈無用人心又矣厭多艱

題王巖起樂齋三首

數叢脩竹擁齋居與味偷然樂有餘
午枕睡酣窓寂寂清風來去自翻書
怪底愁端生不已勞心逐事事無窮
陶然一點冲融趣只在清虛淡泊中
我亦雲根結小房年來與世界相忘
定知可蛻紛華事不及弦歌氣味長

寄巨山

分携六換禁城烟夢也慵飛到日邊
綵筆尚懷貂可續冰街時許鴈遙傳
紫薇院靜君宵直綠葶村深我晝眠
會向急流歸亦好雙筇同訪慢亭仙

寄題觀瀾亭二首

遙知壓水創新齋百里寒聲席下來
準擬杖藜秋夜去同看月湧爛銀堆

未合滄溟勢不休噴雲齧石幾經秋
雄心戲欲相吞吐一縱詞瀾筆下流
道醇作記

遊密菴致明有喜雨詩次元韻

雨氣經巖上僧窓暗復明溪流生急響
松吹助狂傾擺極無邊潤蘧蔭一味清
仁心樂同飽擁鼻發吟聲

次韻熊叔雅七言

只今漂蕩賈長沙來往三山躡緜霞馬上新詩猶
憶支枕邊幽夢不離家風驚枯葉連汀雨霜著寒
楓滿樹花却記梁園初識面干戈豈料落天涯

題石井二首

玲瓏巖穴巧如剗中貯滄浪百斛餘衰嬾自憐遊
世久襟懷未及汝常虞

道經蘭若偶停鞭客裏逢幽意惘然一把綠蘿蒙
石甕夢魂翻憤醒心泉

登鵝湖妙峯亭次韻

偶向妙峯亭上望一襟寒色近春分晴風吹放天

全露吹盡江南江北雲

題吳若愚一經堂

老矣惟書愛未消喜聞新塾出塵躡軒窓近水來
無厭弦誦因風聽忽遙游藝定知輕拾芥正心端
欲似耘苗一經教子誠為樂家世從今未寂寥

寄如愚珙二首

射殿遙聞駐六飛天顏咫尺引儒衣吾家亦有臚
傳喜叔姪聯名賜第歸
鴈塔蟾宮盡假途要須行實副名譽六經堂上歸
來日飽讀平生未見書

次韻朱喬年送山老住三峯二首

已愛雲山信脚行
撩人詩句更增情
直須吏部尋盟日
急遣雙魚一寄聲

平生耳裏三峯寺
况識峯頭新主人
借我一筇扶病去
月林松吹度綸巾

朱喬年同傅茂元見訪

校書蘭臺昔名士
懷會稽今望郎
忽驚風采照戶牖
便覺肺腑流水霜
手談逼剝屢爭局
眼食哈臺時對牀
山林情話政可樂
只恐雲路雙鷗翔

寄題黃應亨東明齋二首

青藜不復來人世
好學如君自少雙
穎有羲和日
轂曉紅常照讀書窓

齋居雅意與誰論
會見依光沐寵恩
慚愧野人欺我嬾
相招炙背坐松根

寄題清軒二首

聞說名軒寄遠情
得非遊世厭營營
丈夫出處渾無累
只要心源一點清

中郎言語妙天下
曾向軒中記舊遊
一尺翠珉揮染罷
水輪夜轉屋山頭
喬年作軒記

有感二首

八葉炎圖茂千齡聖主昌農桑開漢域禮樂煥周
庠晏祭三登樂謳吟七閩長徽名辭鏤玉盛舉冠
前王

運屬宣和末干戈變故仍倦勤脩內禪流澤啓中
興睢水千麾集胡沙八駿騰尺書傳諱日寰宇淚
如澗

孝感柔強敵和盟定一朝龍輅來瀚海鶴駕返神
霄歌吹仍祠禹事具前堯塲若見堯稽山同峻極
從此百神朝

和黃德欽韻贈公路二孫

二一

須去薄暮微吟垂欲開靜二固天然人間百藝皆
白水邊臺無言自得幽真

原仲致中寄梅雪

一雪度臘寒不春風光淡心良可嗟顧我小詩為
當午烏石掛廬梅照晨未
氣款蒼垠嗣音風雅愧辭韻誰得稱故人分甘聊
飯了意行忘遠近脩脩老

生劇亂後橫斜幾度開勝拉余同作
夢破吟臺莫將花客輕題山近故廬水碧山光都

橙予四首

尚懷細雨初移日
暑子已日詩來戲成二首

人色偶致吾儕樽俎間
翁稀綴文豈料詩壇今

橙蘂細縷風韻勝我不痛

衾枕三月夢遊蒼苔林
谷被惱深贈言排根入

自從天籟守吏散老樹零

知己小摘秋風黃欲齊

花瓷泛密小劑供極有痛
沿攤寒濱嚴威故作敝

可口派品故應甘下風
觀醉中迷有色心華淨

寄巨山

故人浮家攜李傍為愛脩
首愛尋梅苦寒扶病也

賦法妙年階庭蘭二固天然人間百藝皆

由字性有讀書知子賢

謝劉致中水二首

萬言不直一杯水才似謫
仙良可嗟顧我小詩偏

發市年年博得蕭屯瓜

病翁癡絕端可笑文墨翫
誰得稱故人分甘聊

爾耳更向詩流說我能

唐君則賦光壁堂詩拉余同作

幽行已辨百枝扶况有溪
山近故廬水碧山光都

幾許道人著眼恰無餘

李佐國携致中贈別詩來戲成二首

星郎絕筆版曹卧嬾翁病翁稀綴文豈料詩壇今
再鼓蕭屯頗有故將軍

贊皇吟毫不可掣交游酬答被惱深贈言排根入
吾里以鄰為壑君何心

次韻白水雪梅二詩

閨雪少曾棲瓦白怪來沾沾擁寒濱嚴威故作嫩
裘厄淡彩潛催幽幌晨眼觀醉中迷有色心華淨
處照無根松旋拾品炎焦已覺肥生齒頰津
豪氣無根老自摧尚留餘口甘愛尋梅苦寒扶病也

千里刻刻銀鈎書數行極知神潛鼻端白祇取畫
動眉間黃烟波莫久費吟筆好繪日月增天光

次韻傅茂元二絕

濠樂亭前花已披馬軍送酒故來遲只愁風雨卷
春去紅染芳郊一徑泥

酒興何如畢吏部詩情已過鮑參軍醉吟自足了
一世肯羨飄飄出岫雲

居仁報李季言論養生之益

平生外鷲已知非木林藤衾老可依春半風光唯
掩戶病邊懷抱自忘機不知靜守綿綿息何似閒

隨栩栩飛欲寄勤渠問仙李玄關底處是真歸

次居仁韻

是身如樹槁窮冬一點心華自閉封久矣吹噓存
泛愛偶於遲暮得相從頗聞妙用縱橫是深愧真
源左右逢白雪黃芽計雖下可能無意起龍鍾

送致明之高沙三首

忽驚風袂去翻翻老子吟毫強更接底事幽懷却
成惡鵝峯一點入離樽
不夢清淮髮欲凋因君色意飄飄鐵頭船子
遊處三尺霜鱗鏡面秋

棠隸陰中更唱和嘉賓助勇氣如雲勢孤屢欲
降手必辱高沙小使君

次韻新鄉諸公雪詩二首

臘裏天公未得閒重陰先殺晚來寒數絲綽約流
空際一隙續紛紛夜闌已傍餘光窺蠹簡更消清
液試龍團杜門自覺心神瑩老去追隨只強歡
貪行堆礫意無寒不管飛花看髮斑一段清光貽
老境十年勝覽在家山遙知物外徜徉樂肯放毫
端造化閒寸鐵不携當百戰欲申前令愧辭艱
大年三月書來許訪弊廬繼聞阻雨已歸近

聞復有來意以詩温之

畫沙筆妙言猶在折角巾歌興已窮不見此豪春
色晚至今遺恨雨聲中詞華端是補天手謹浪故
存高世風聞欲尋盟石峯下人生能費幾枝筇

分茶公美子應預為白曬之約

夢裏壺山尋二妙不因荔子髮絲華聊分茗盃應
年例故有筠籠來海涯鮮苞尚想妃子笑槁面何
取西施耗老饒惟作耐久計一瞬紅紫真空花

奇仲德華第二轉語皆有旨趣致中乃謂僕

操函可於其間戲成長句

不可無詩絕盍簪雜然嘲玩寄嘉音唯阿似是僕
稜乎唐靜初無照物心蓮蕩遠陰波面合董峯林
翠雨中深頗能逐勝此來否一笑又成梁甫吟

寄致中因温前約

故山歸路豈云賒憶對春風餞物華尚口乃窮憐
反舌以年當廢惜殘花動渠載酒傳非悞倉卒回
輿事偶差今日重來綠槐夏已并纈面醉君家

原仲紅釀甚佳嘗有十壺之約小詩發一笑

廣文挾書門戶閉廣文置書尊罍開但欣引人著
勝地豈暇問客從何來走浪畦風初綠稻屑塵村

兩欲黃梅下泓琥珀今餘幾壘塊非澆不可摧

居仁與季言論養生方往叩之而原仲詩有

金花充膝之語乃知致中妙用如此近捨

皇甫遠取居易豈不迂邪以詩請事

紫微談道渺無津逸步飄然歎絕塵但向函關迎

老子不知鄭圃有真人數絲雪髮神彌瑩一點金

花意自春莫謂余衰難語此胸中勇氣尚輪困

致中詩戲論詩基酒報次元韻

只應心醉六經醇自是陶陶晉魏人每尚幽居橫

素榻惟容我輩岸烏巾毫端空有千題巧枰上元

無一著真要得坦然懷抱穩煩君澆潑乳泓春昨

云乳泓未熟甚
渴想風味也

屏山集卷第十九終

無一普真要得此熱新蘇蘇飲吾美幾信似春

歐陽文忠公詩
云此心未熱是

屏山集卷第二十

詩

致中招原仲遊武夷

病暑冠裳與體忘一墨幽僻得深藏微風時度澗
光活殘日忽無山氣涼但想子綦方隱几終慚南
郭漫連牆何時九曲尋幽事船尾應須著漫郎
致中手談見知胡漳州而奇仲未有定論
了無勝負著胸中三百枯棊破老慵雲陳春收花
脫樹電聲夜碎月銜峯危機每憚張頤虎窘步休
誇獨眼龍無復漳州賞新妙只應公論付吾宗

次韻茂元茉莉花詩二首

翠葉光如沃水肥
淡不妝一番秋早秀
徹日坐傍
香色照祇園
靜清回障海
涼儻堪紉作佩
老子欲
浮湘

三尺婆娑樹千英
一律妝眼孤猶眩
彩鼻熟不知

香向月竇清潤承
風發素涼一作流露
發風玉面涼
衆方

如不思移植近瀟湘一作湘

同才仲入山古月懷奇仲

客至那容嬾牽筇
入翠蘿山光知雨過
野色見秋
多妙語時相奪
微吟只自哦
吹填來獨晚
此日恨

如何

寄行夫兼懷如愚珙

把壘陽菊吟懷不為秋
江湖三俊遠天地一翁
愁日近書來少宵長
夢不休吳雲猶可望
時上重

峯頭

致中相拉遊武夷有六耳不同謀之語原仲

和章意似未平也再次元韻

年衰漸涸玉池津
擬巧明窓一七塵
底用趨風防
六耳須知對影已
三人高情政喜追
靈運飽學那
容欠大春右掾左提
俱有賴應憐懷抱久
傾困

呂居仁挽詞三首

粹美元功昇風流相國傳有文光聖道無物累心
淵侃侃常春氣堂堂忽逝川東萊一點秀冥漠楚
山邊

皓首猶貪學謙虛德益豐潛神無朕際悟物不言
中雖處持尚貴常安梓茹窮笑談驚委蛇儒事有
英雄

江左欣初見傾輸便豁然挽留嘗一粥契闊已三
年老去無新得書來每自鞭幽明雖永絕凜若在

奇仲和致中某詩有云一善是吾宗之

局上深機未足窮玄中一善為通五宗惟明不
是物三語孰解將無同常恨之懷多憤憤每逢空
友太忽忽金篦刮眼寧無賴是牆西有德公

奇仲和詩有吸盡西江句是公之句

南鄰袖手只如愚東里談玄甚都可是撥教方
鑽鑠須防礙瑛得盧胡春空却響來何自秋浦天
空落落欲無萬古西江只如許何煩呼吸費工夫

吳公路作功德院記成同居安入山書丹

淨坊疏寵自吾君蓋有豐碑此戰策勳方見陳在龔

翠琰忽驚落筆散彤雲言言亦索西山氣靈靈新
摘左氏文從興拱辰非厚夜月明鐘鼓九霄聞

子靜閱僕舊舉子文有詩因次元韻

雪穀烏紗氣似雲搖毫不瞬已成文兒時追逐無
三捷老去荒唐更十分木裏液滿將底用韶邊朋
肯豈堪聞却慚侵板能流惡一付英如政賴君肯朋

擗聲也

寄秀峯忠老

高鐘號月掩巖扉遙想幽不夢時曾聽微言知
見妙應憐嬾我用功還憤不種種寧相貸窓靜山

山尚可疑儻有一單容過山谷眼下須接秀峰奇

轉秩奉祠蒙朝佐子誦心慶以四六戲裁長句

為謝

一嶺無情阻面談鳴翰忽墮得雙函抽黃對白雞
云妙刻朽嗟枯祇益慚小轉只緣官帶右雄飛無
復夢圖南借留賴有天台侶老矣真成士不堪

致明贈茯苓如嬰孩狀以詩為報

老松寒不死密壤聚流脂小厠凌蒼翠深藏發怪
奇應憐霜髮客為寄玉嬰兒唇日餌消殘疾同尋汗
漫期

次公羽來借諸家易解如聞已有新說以詩借
觀

天庭吐氣作青紅警邏猶煩小試中政使著鞭無
暇日惟應讀易有清風畫評一斗紛然異夜夢三
支廓爾通聞說新箋極玄妙可無殘贖到衰翁

寄子靜

有約來何晚行吟遡遠風老懷一酒似水雙鬢亂如
蓬晤語非無得踈慵政畧同秋不湖上集只是欠
軍公

夢如愚珙

驚破池塘蕙宵長不再眠寒聲搖谷口側月到床
邊一自芝蘭遠都無翰墨傳老懷安得寫孤詠不
成篇

食鶩梨三首

寒烽夜滅禁淮長客舸輕搖度碧光北果初來珍
重意層層紙透清香

拂拂鶩黃初借色涓涓蜜醴為輸津冷然一條心
淵淨熱惱無因著莫人

瑠盤一卵寧論價新帶中原雨露來却憶春行梁
宋野雪花瓊藥數程開

次李巽伯韻

蠟封泥印了不勤索居十載常念群變鄉寧飲建
溪水懷友忽夢龜山雲閒中意度不沾俗老去詞
華全付君阿戎來歸得新語戲筆報謝非夸文

送曠侍者之湖南

茗椀深澆破別愁摻裾猶得小遲留不將流落遇
知己故向難難作遠遊春動閩山迎兩屐夜涼楚
月趁孤舟相逢應說龐翁笑黑頰黃髯萬念休

次六叔青字韻

寫出吳中勝平生歷歷經露窺烟渚靜山入於樓

青老氣何由逸奔暉不肯停北潭搖夢否淶面
軒櫺

題慎儀餘清閣

並溪取次得奇觀更舞新蕙翠木端政喜閒身特
可到忽驚醉眼晚來寬故添山色浮嵐潤不逐湍
流獨月寒散帙南窓更清絕興來直欲跨飛翰

春興

弱藻才勝舫危青更著樓管弦泚老伴風雨定花
雛兀坐還無味微行却自由只嫌詩作崇咕咕不
能休

時中良弼茂元慎儀集水閣

水色燕山影漂搖小閣西風來幽轉活雨過萬紅
低炯炯杯中趣喧喧枕裏迷新年一聲笑四友在
潭溪

致中晚集

笑語北潭晚微寒入綺疏雨聲留篆霧燈影躍潛
魚病間欲踈酒老便惟讀書喜君新隱地山翠切
吾廬

餘醪四首

蒙籠春憶頃大矯赤虬身雨善猶絨暖精神照晚

春

斑斑心點紫疊疊粵承水除却橫枝韻群芳盡與

能

獨立幽亭晚春風玉一圍殘英不著地去作嶺雲

飛

霜鞋薰碧醪氣味已相傳終以香為累無人解倒

懸

寄張子平

老矣張平子飄零客此州清樽如有伴白髮不知
愁雨燕梢簾入風花擁檻浮夢中家在否歸興莫

悠悠

次明仲涼字韻

浮暑熏人只欲狂秋聲未肯抹橫塘倦看黃妳渾
無味醉著白練如許涼掃砌政須脩竹舞蔭花絕
愛巨荷張紫髯不是輕風景更擬回鞭向葛強

晚飲

招提聊駐屐却去白雲堆老眼看山倦餘懷向酒
開晚涼微雨送秋意一蟬催醉裏揮犀妙方知有
逸才

次韻長汀壁間韻

窠巢鷺鷥殘夢蕭蕭老空廬風聲傳遠瀨寒意入秋
蔬客路漂搖久歸身憔悴餘西窓滿殘照髮鬢似
五言廬

問明仲遊武夷日

兀兀聽涼雨開門雪漲川獨行楓葉底秋興鴈行
邊老去無多事閒知有勝緣何時縱仙舸我亦願
周旋

次韻文殊五言

小雨貽新句端如印印泥凝眸方過鳥倚杖忽橫
溪老態猶堪強真豪已覺低鐘聲隔林寺慚愧有

幽棲

次韻施沆七言

酒香渾若過新豐心事
悠悠冷咲中徹夜道傍
梳葉雨幾年馬上挂枝
風高情未許愁能挽歸
意惟應夢可通準擬今
秋刺追逐暗泉鐙佩月
潭東

次韻明仲幽居春來十首

醉毫巨我落烏絲況是
桃源乍入時祇恐昇平
要華藻賜牋春動萬年
枝幽居十絕巧凌春我
亦剗腸強效顰憂樂懸
知不同調山南山北寂
寥人

一幅烏巾雪髮盈村深
時聽鷄刀聲浪將蘭艾
計

春事我自平生小屈平

歸來十六見新元種得
六楠逸舊村豈是翛然
似

遺物吾衰不復夢倚門

蒲團宴坐若還家羅轂
文空了不避可是春風
搖

得我蘭芳輕嘆淡黃芽

莫遣瀟湘雙鯉來歸心
生怕曉禽催咄嗟新轉
渠

渠屋寒士懽顏正爾開

蹶蹶鳴山筇一枝逢春
聊復詠歌之故園風光
本

具足浪蘂浮花莫作迷

蓬鬆衰髮倦重簪一榻惟便獨寢甘却憶少陵詩
句好依然雲木曉相參
近鄰分得續隨裁準擬新情手自培不奈餘寒侵
病骨勦耨無味却歸來
豈慚辛苦犯漁竿猶有機心傍釣灘文定書堂最
深穩何如袖手試觀瀾

次韻六四叔村居即予十二絕

桃花偏傍謫仙居點綴高
石今幾株力士鐫邊欠
何物著鞭跨馬是狂圖
飯了呼童疊石門雨餘幽事不勝繁
花殘不用深

惆悵梧竹新陰又滿園

偶隨流水到僧家身世渾如焦穀芽
午夢不知歸底破篆烟燒徧一盤花

閒道清湖別有春花邊玉笋想長身怪來幾日詩
筒少盡寫瑰奇賦洛神

潭邊春水碧於苔為聽泠泠溪畔來
不耐顛風阻人興漁舟欲上又吹開

蠲病惟應一日晴小窓螢度暗還明
帝編讀罷聞幽鳥演出精微是此聲

酒惡時來漱淺谿玉池汨汨自生肥
遊鯈豈解吾

曹意聊復蓬頭坐釣磯
春來大半在農疇
邂逅相逢皆飲流
貪看暮烟馳
萬柳不知明月上
前洲
庾郎食事惟三九
適口方知味味珍
擬欲招邀無
此客虎頭不是箇
中人
遼鶴歸來本姓丁
咿啞幾見弄文欄
人間過眼事
如許何用封侯羨
羨羨
犀角仙洲入眼明
清風濕滌醉魂醒
麻姑未必堪
搔背薄相由來是
琴經
幾許推埋盡犯鋤
而今云戶偃犀渠
太平無象從

元一夜春風長碧隸

疑雲堂詩次文賀州韻

君家遙借我家山
花亦時來一咲看
縹緲雲扶千
學秀空翠滴兩川
寒已將老日供秋
晚未覺豪
心怯酒闌文伯詩
飄泊歎盡將幽抱
付遐觀

次明仲勤字韻

苦無聊賴憶披雲
曳杖寧知四體勤
握手便成忘
適適縱談終愧自
聞聞浮蛆釀熟貽
彭澤斫鱸圖
成想右軍莫為冷
風發歸興石峯秋
月許平分

次韻明仲贈六四叔之作

平生一笑輕離別林下相從各壯年絕愛步兵曾
壘塊更欣阿大語蟬連枝藜只作尋常出庖酒何
辭一再傳燕頷虎頭經賞識定應接武向甘泉

次六四叔韻

筍輿露汗每蒼黃今日追隨得快涼水落不知沙
徑改風微如新橘林香我緣新病仍添嬾君不時
來有底忙只恐家山誚人去十年秋興在殊方

祝道人日供梅蘭偶成小詩二首

病眼亡聊祇強回道入得得供新梅冷寒未必春
先到幾夜冰蟾照得開

野客分花入戶間此心今合付憮然平生費盡金
鴨肅不負幽芳十七年

梅詩呈六四叔

一枝新白破長林定想霜毫落有神蹠躡若予將
底用猶堪卧護北潭春

寄致明并紀惠鴈觀梅之舊

惟劉於我最多情此日詩筒不絕聲孤一作鴈相
依真得地早一作梅一繁又傾城向來蘭好知誰
許病後霜林嬾獨行小几清香慰臨別一作極知
了了萬緣輕

拙句謝伯達老友

贈梅發言五言過矣衛生無術誰之允魯兀游心聊
自遣樂春樂之豈無憂

次韻上梅嶺

鞭鞭紅入日前菜玉登盤是慶喜相挽我來如許
難沙清才灑灑陟翠入磻磻勃率乾坤裏伊誰不
自安

詞

慕溪山寄寶學

浮烟冷雨今日還重九秋去又秋來但黃花三三在

如舊平臺戲馬無處問英雄茅舍底竹籬東佇立
時搔首 客來何有草草三杯酒一醉萬緣空莫
貪伊金印如斗病翁老矣誰共賦歸來艾壠麥網
溪魚未落他人後

和明仲木犀花詞

秋入微陰涼生平遠小山愁絕天南似聞還斷飛
策備千巖葉底輕黃暮暮奈惱人是微裂芳緘儵然
勝清真冷淡無豔寄塵凡 澄潭敲兩岸波光搖
動碧影相參任西風十里吹度松杉我自寒灰槁
木 神處不覺醺酣歸來晚飛花無迹明月滿空

函


和章潮州南歌子二首

卜夜容三獻微權極一時風流太守未厖眉放出
筆頭光焰壓金閨 藻麗花駢藥清高雪亞枝曼
聲恰與貫珠宜聽此直教拚得醉翻卮
伎倆無多子逍遙自許時閒愁且莫著雙眉恰有
梅香一點到幽閨 寵辱棋枰局光陰鳥度枝顏
然僇醉是便宜擬倩潭風吹綠漲遙卮

屏山集卷第二終

右

先祖屏山先生文集二十卷蓋幸而存者其漫
失者亦已妙矣其門人朱夫子嘗加訂正而不
得全觀為憾後之人因續附入一二其真得先
生子稿附之誠是也間有語意不類者亦槩不
考而混入焉雖曰奏胡笳於律呂之側音韻自
別然觀者不細玩詳辨未有不為所惑 甚病
之而未有據也近得舊本遂謀諸匠氏錄之于
梨俾疑者以釋訛者以正麗者以明庶乎不失
朱夫子訂正之初心我



先祖崇王黜邪之實學云正德七年壬申冬十月朔日十二世孫深拜書

